

萬曆武功錄

萬曆武功錄卷之八

翰林院添註待詔瞿九思

中三邊

俺答列傳下

把漢那吉故鉄背台吉遺孤也。長而僇利有口。俺答心愛之。尤爲一克哈屯所憐。於是妻答壻。反慎女。號比吉。已六載矣。已把漢復取兔捨金女。會俺答外孫女。美而艷。許禩兒都司。答好弗能予。強納之。禩兒怒。攻答。答慙。奪把漢所聘女。與之。甘心焉。把漢初妻比吉。不相中。今復弗如所願。快快不得意。謀降漢。乃告

奶公阿力哥曰我大父妻外孫女又奪孫婦予人天
怒人怨吾不能爲若孫矣吾聞天朝上下有序尊
卑有體男女不溷其俗先禮讓而後刑殺吾今往歸
之若爲我謝俺答吾行矣阿力哥懼誅不敢請俺答
遂趣之行於是與其妻比吉阿力哥之屬十人馬十
三疋頻額敗胡堡求入塞後俺答聞亟使克竅騎產
馬追亡弗可得而是時制置使王崇古以秋至備山
陵獨臺御史方逢時居雲中偕兵使劉應箕居陽和
逢時明而習於計以爲亟當許我可得因而爲計畫
故事降者置海濱逢時念謂請比故事此不過一中

國禁錮之囚。益令俺答怨忿。從此侵擾。遂不止矣。且日命以甲楯五百騎。導入雲中。逢時坐開府。侍衛者露刃見之。遣出。豐館餼飭。輿馬甚都。與制置使王崇古議。卽請於相國張居正。且以聞。且言宜尊顯之以示虜。令俺答而急之。與則因與爲市。必繫送降人。必保塞。奉要束。陽申其舐犢之愛。而陰制其命。卽俺答而不急之。與我因而撫納。請方漢匈奴質子事。有如此。故部來降。請方漢置屬國。居烏桓事。而卽以把漢部之異時。俺答老且死。而黃台吉者立。勢不能盡有其衆。而吾以一屠耆谷蠡秩秩之。置塞外。以觀其俯仰。

舊存部落勢必響應黃酋聞其復返勢必忿爭其與黃台構我則兩利而俱存之其互相仇殺我得因勢而制之外不失興滅繼絕之名而內收其力此萬世計也居亡何御史饒仁侃武尚賢姚繼可各後先列狀上下大司馬議詔授把漢指揮使阿力哥正千戶各賜衣五稱其十月俺答乍失那吉心私念之哭泣目盡腫一克哈屯又朝夕請黑台吉非君少子耶所遺孤幸長柰何以淫逆殺之俺答愧廼遣黃台吉九合兀慎擺腰入弘賜堡直薄城索那吉不可得召趙全等計事全曰欲得那吉須厚賄贖之不則必脅

以兵試發萬人臨城中國將率必悉出戰吾因據其城而索之亦一快也俺答深然之居四五日率衆萬餘入雲中直走上谷計欲捕一偏將軍而與漢請易時冬寒草枯馬饑俺答衆憚寇指全等怨詈甚於是制置使移上谷帥趙苛引兵帶刀嶺逢虜戰敗其前鋒而斬其驍虜之首陸虜憚之遂轉兵從故道至鎮羌堡而出自是稍稍有內屬意矣因爲營營平虜外邊樹雜色幟白如茶朱如火玄如墨祥以振耀我邊吏然後請把漢邊吏曰寇深矣其若之何逢時曰彼幸索我急此天所以贖我也乃遣使金國賁傳貼往

殺之。已遣侯金往。又殺之。已遣鮑崇德往。崇德故役胡中。與虜狎。遂讓俺答。而欲得把漢急。胡亂乎。俺答曰。以太師之靈。我何敢憑陵。不勝舐犢愛耳。願移珍贖焉。崇德曰。中國重譚納賚。方輸銷出。誰利是。吾爲若謀可。不費一緡。俺答曰。唯使者命。曰。而不欲得把漢。則已。必欲得把漢。非以趙全李自馨等生獻見。莫可者。先是使者言把漢已部。送長安。俺答故惶懼。計畫無所復之。今聞崇德言。歡甚。卽引兵却出塞。而遣使持番文。詣崇古。請稱臣奉職。貢祁那吉還。崇古要以執諸諸逃人爲主。畫爲羽翼爪牙者以來。庶得

遣大略如所畫策。是時相國俺答子辛愛頗怨答溺少妻幼子。欲謀害。漢可因以爲間。崇古復遣崇德往。俺答曰。吾欲以牲贖那吉。崇德因言中國牛羊被野。財物腐朽。王府金幣珠玉委積無所用之。安用汝牛羊馬。吾來欲爲若謀得孫耳。若不可不遣趙全等。亟詣幕府請那吉。不然旦夕斷那吉首矣。於是俺答悔用趙全謀。仰天嘆曰。始吾欲降旗奔。六朝請封。趙全等謂我有天分。數道我興兵。南北疲於戰鬪。今父子妻孥且不保。皆諸酋罪也。吾奈何愛諸酋頭而不以易一孫乎。若爲我請太師。幸憐我北番。費無金。

衣無帛。既款之後。請得歲給我金繒。及釜。羹以爲生。我當以舊釜還漢。且微獨是我胡中人至亡賴。誠非假漢爵。必不奉約束。以太帥之重。請 皇帝陛下有。如授我王封。剖符通使。得樂太平。聖制足矣。願太師勿過疑。於是別崇德。因使其部夷火力赤。上書請。約麾騎避一舍。約已定。屬黃台吉。以萬騎偪雲中。永邵卜以五千騎走威遠。張兩腋進。逢時曰。彼不聞約耳。密取把漢矢。使使者授之。諭以責黃台吉。手其矢泣曰。此阿第故物。太師全我弟以安我父。大惠也。敢不受。承太師之明德。遣部夷隨便入。逢時勞以糒醪。

黃酋喜。出張家口。我上谷兵斷其歸路。虜前部欲戰。黃酋曰。戰則敗約。我無辭於太師。整兵而西。出拒門堡。頃之。崇德復馳虜營。俺答微難我。欲先出把漢。我竟欲俺答先獻所虜獲。其十一月初五。獻被虜男婦八十餘人。夷性最躁急。又寒飢。不倖得把漢。遂寇抄我雲石堡。崇古亟令守備苑宗儒以嫡子苑國圉及其弟宗偉宗伊。質虜營。易全等。俺答喜曰。太師誠語我。我背之不祥。其十九日。遣其黨伍奴柱收捕故陽和人趙全趙龍。山陰人李自馨。渾源人王廷輔。靜樂人呂西川。後衛試百戶張彥文。陽和軍馬老營。劉四

兒皆面縛械繫。送大同左衛。是時周元聞變。飲酖死。元故黃岡人也。而板升所爲不可捕者。僅馮世周等七十餘人。先是呂老祖與其黨李自馨。劉四等。歸俺答。而趙全又率洙惡民趙宗山。穆教清。張永寶。孫天福。及張從庫。王道兒者。二十八人。悉往從之。互相延引。黨衆至數千。虜割板升地家焉。自是之後。亡命者窟板升。開雲田。豐州地萬頃。連村數百。驅華人耕田輸粟。反資虜用。所居爲城郭宮室。極壯麗。全多畧善謀。自馨諳文字。周元治扁倉術。劉四有膂力。能陷堅虜初入塞。止盜村落。不敢逼城堡。全叛後。教虜左右。

疏計課校人牛畜。益習攻取。圍困掩襲事。諸鎮疲于
奔命矣。全有衆萬人。騎五萬。牛羊稱是。自馨及元差
減。最下者亦千騎。俺答每欲盜邊。先擊牛酒。全衆計
定。廼行。以全衆熟知險隘。扼塞。又華人得先驅謀視。
故邊將不能防。然全謀百無一利者。當石州失守時。
全謂俺答曰。那顏春秋高矣。而行擁北地精兵。那顏
一旦捐館舍。衆屬黃台吉。黃台吉諸子。素驕悍。勢必
奪而分之。則就功。那顏莫若以此時。據有雲中上谷。
東封居庸。南塞鴈門。獨以一面西當晉代。進則飲馬
河汾。退則歸重雲谷。此五伯之伐也。謀未定。會我兵

武功錄

卷三

六

易四

調募四集。虜人馬道死者以萬數。其好大言鮮成事類如此。五奴柱。恰台吉故俺答紀綱僕。自全信任。反居下。而年益奴。虜畜之以故。伍奴柱樂爲我耳目。捕全遂得分其有。悔捕全晚。其二十日。出把漢那吉於庭。宴以酒食。詔賜綵幣四純。布一百疋。遣康綸送之歸。把漢與其妻哭泣而去。逢時因誠夷使火力赤猛克諭以母害阿力哥。旣行次河上。祖孫嗚嗚相勞苦。曰。帝天也。覆露我。南鄉拜者五。使中軍打兒漢親丁亞都善入謝。疏言。帝赦我逋遷裔而建立之。德無量。願爲外臣。貢方物。請表箋楮式及長書表文。

者因言阿僊答。所以欲亟請王封。誠欲耀土蠻得相。與爲敵殺也。始把漢出塞時。叅將牛相子伯傑。尾把漢後。馳虜營部酋。恰台吉。因言吾亦欲生獻馮豪傑。張豪傑。揚天下。劉五等。若易我金繒可乎。歸而與相謀。卽偕蒼頭軍。敖八敖臘台。出苧絲五采。挑線草獸衣一稱。青綠緞襖二稱。段二純。鍍銀鞵帶一根。送奉恰台吉。乃言僊答方得把漢。誦經謝天地。以打牲爲禁。因與伯傑馬鞵帶小刀解錐亦如之。遲我月餘。來索人自是之後。相數使使者。結恰台吉爲兄弟歡。恰台吉。竟欲得千金。相弗能辨。事覺。相等皆請論如法。

而是時上谷有老把都之首河套有吉囊之首山後有兀慎擺腰之首永邵卜之首哆囉土蠻之首非俺答昆弟則其叔侄數爲諸邊患崇古必欲俺答大會老把都吉能同表請然後可俺答獨苦力不能制土蠻土蠻故主也賴老把都與土蠻善倘風告土蠻見東虜皆已內屬我得毋離其黨而遂自孤乎先是謀者言老把都俺答行至小白海強黃台吉寇漁陽黃台吉竟欲寇西番而趙全又以秋田霜死媚俺答首婦轉爪備言雲中兵出擣趙俺答還歸爭久成隙以故邊吏欲以此窺諸酋頃之俺答果遣使十八人申

前約以爲諸酋悉聽命於太師無異同業已指天
王佛祖以爲誓誓畢復遣打兒漢土骨赤還報自今
虜毋抄漢歲貢馬四百匹世世不替漢亦毋燒荒毋
搗巢毋趕馬備兵使劉應箕見爲疏語多錯亂且辭
多倨侮迺大會督臣譚而竄走之乃代爲上奏事下
大司馬議大司馬言虜方求款而要我以不燒荒不
搗巢我卽以爲可從有如要我以不繕塞不設備亦
將聽之乎果若虜言是以酋脂毒我也不如却之毋
引慝焉王崇古言先年開市虜方張邊臣媚而致之
故盟未幾而寒今虜仰我若黍苗之仰陰雨也昔制

在虜。今制在我。何慮何疑。而不使之徹聲聞於天。王竟以聞。詔下三鎮會議。先是將軍令有能捕斬俺答黃台吉狼台吉者。爵伯。予五千金。小酋如擺腰兀慎。爵指揮。趙全周元。爵都指揮。予千金。其十二月。邊吏以便輿膠致全等至長安。大司寇按反狀悉具。上御午門。命禮官爲文祠告。郊廟僂之東市。支解以徇。於是王崇古晉大司馬。廕一子千戶。方逢時少司馬。廕一子百戶。皆執金吾。章服銀楮。皆有差礫。趙全等於市。復下令。令扳升諸亡命。欲歸漢者聽。始全等對簿時。崇古欲得諸虜名數急。乃以八人分屬。分

守使分巡使備兵使及大同守都護鞠問以觀異同。於是得襖兒都司卽吉囊子六人控弦之士可三萬。居黃河西套黃台吉可七千。擺腰可二千。兀慎可一千。居野馬川。鴿子堂鄉天城陽和。懷安萬全左衛去邊二百餘里。髡突里哈卽老把都兒可二萬。鄉密雲宣府萬全右衛委兀兒慎可一萬。居大青山。哆羅土蠻可一萬。居黃河西北鄉神木俺答可二萬。躬提兵七千。居豐州灘去老營堡平虜威遠右衛可三百餘里。而以三千屬打兒漢。倘不浪以一千屬火屯。倘不浪去老營邊可六百里。以五百屬莽兀十倘不浪。淮。

折漢倘不浪王八屯兒去平虜邊可五百里以二千
屬出郎那言去平虜可四百里以一千五百屬及臣
倘不浪以五百屬打兒漢以五百屬土兒箇去平虜
可五百餘里以五百屬脫脫兒墨去偏頭關可二百
餘里以二千屬恰台吉去右衛可百里以五百屬青
山啞拜倘不浪宰散倘不浪去右衛可三百餘里以
一千屬把里台吉兵兔台吉去右衛六百餘里以五
百屬我的戶倘不浪去右衛五百里以五百屬打臘
台吉去右衛迤西可三百餘里以三百屬真武窟兒
把都兒倘不浪去右衛迤東可六百餘里大小板升

漢人可五萬餘人。其間白蓮教可一萬人。夷二千餘人。皆有酋長。分部諸酋。少者六七百。多者八九百。大板升。則馮世周。孟大益。大羅。小羅。楊廷夏。楊廷智。劉豸。張豪傑。李三。瓦四。潘云。陳鉞。十二人。小板升。則東打兒漢。火力赤。張榜勢。毛榜勢。打兒漢。小則則火同智。海代首領。俺墨兒。器長腰兒。火里智。丫頭計。大筆烏器刀郎。小則磨毒器。打兒漢。劉棟。鎖合兒。韓候兒。玉鎖禿舌兔。八兒黨。小則則紅眼。小則則徐先兒。李自榮。火力赤。老漢代。鎖合兒。馬通。小則則火里智。老漢五合器。李只害。蕭牌子。高洪。馬洪。三十二人已問。

諸叛胡中所生子趙龍自言生六子。長火泥計。次窩
兔。次瓦拜兔。次瓦十兔。次簿合兔。次寧安兔。女三。長
三皇昏。次五皇昏。次六皇昏。孫四。長擺言。次聖場。次
場。次擺吉。劉天麒自言生丫頭子。王廷輔自言生
猛哈子。李自馨自言養李明以爲子。趙全自言生二
女。適楊河。高金旣得狀。然後知謀。稱數十萬。於是謬
矣。其五年二月。崇古極言市虜甚利。大略言虜比歲
深入。凡民間鐵器衣物。無所不具。今一日許其通貢。
則酋長歲有上賞。自足取給。而獨患苦諸酋。恐無以
爲資。勢且必小。人間盜邊。故虜使往往以鍋與布帛。

爲請計莫若開市便是時給諫章甫端言虜得封號衆且益附是假之翼也入我境窺我文物是啓其心也宋應昌言虜雖通貢情或難測防邊則有兩費撤兵則非萬全張國彥言虜向入寇往往旋出塞虞西北諸夷議其後耳彼無我患專意諸戎諸戎必折而入于匈奴是加之左右背而益其強也請乞之費歲加月倍客餉不已必扣主兵主兵不已必及市賈市賈不已必及禁藏張思忠紀大綱議與崇古互有異同詔下於是定國公徐文壁侍郎張四維御史大夫李棠以爲可許英國公張溶戶尚書張守直以爲

不可許。工尚書未衡。以爲封貢便。互市不便。兵尚書
郭乾則謂夷狄來王。古今盛事。因以羈縻。實制馭長
策。九塞外虜。俺答最雄。自上谷抵甘涼。穹廬萬里。東
服土速。西奴吉丙。先年謝絕致憤。駘藉諸邊。三十餘
年。中原苦不支矣。今儼然聽命於藩籬之外。是三十
年所禱祀而求者。何惜豪街尋丈之地。而以隔夷情。
狹皇化。失神靈所想望。宜從其請。至若搗巢燒荒事。
搗巢可罷。燒荒不可罷。是故相國張居正尤破羣策。
廼於 文華殿面請 詔行之。已以 文皇帝封和
寧太平。賢義三王故事。撥付本兵。因區畫八策。屬崇

古互市初開邊民畏慮不敢貿易虜人不市。曩怨易生。今歲且宜官爲計。使邊氓睹利。則人乃樂從一也。鐵鍋乃虜所急者。頃部議禁不與市。將來必求索不已。今聞廣鍋毀。不可復爲。宜出官錢市之。嗣歲請如數以易。二也。虜既不令人。朝則安置。宜周鎮城之中。民物殷阜。易起戎心。異時豪宗獻城之事。可爲殷鑒。頃者流議。皆起於鎮城之人。虜使一入。人人惴恐。倘邊堡可容。毋令得入鎮城。三也。馬趙二帥。趙雖喜事而近忠。可馴伏也。馬故多端。素與虜通。其所部多真虜。頃聞不樂封貢之議。今旣不能去。宜以計用之。

毋令積恨生變四也。已又議所當修補者。亦有四要。害城堡。及時修併。二邊之險漸次可復。一也。募沿邊之民。開墾荒田。充實行伍。鍛礪戈矛。演習火器。訓練勇敢。常若敵來。二也。趙全等雖誅。家室猶存。宜於互市之時。陰察虜情。知其主名。可招則招之。不則舍之。庶逆黨可消。後患可弭。三也。搗巢趕馬。在邊士雖借以邀功賞。而虜中亦頗畏之。今既禁不出塞。則虜人寡畏。而邊士袖手。無所覲幸。它日渝盟之事。不在虜而在邊人矣。此宜預慮以杜釁端者。四也。崇古既得札。遂決策許虜。乃爲議市場。雲中以威虜堡。上谷張

家口太原水泉營。先是大將軍馬芳及叅議使黃九成崔鏞僉事使韓宰。論雲中曰。弘治時北虜入貢。乃從紫荆關。然後入長安。此不過欲給彼長道。以亂虜情耳。臣以爲紫荆道半歷畿輔。市井紛華。適以動其覬覦。於計不便。莫若由威虜以歷左衛。雲中抵陽和。請督臣按驗畢。卽從陽和入天城懷安。上谷。自懷來歷居庸爲便。請歲以三月爲期會。以是時春雪未消。胡馬尙弱。故也。宜著爲令。令馬毋過三百匹。使毋過三十人。而又中外使以半居左衛。以半進乘輿。馬亦毋過三十匹。然必從陽和。臺御史驗得肥壯高大。

後送奉

闕下駝馬匹直十二兩市塲請以左

衛威虜堡地旁西北竊比榆林易馬堡築園城鑿池
令副帥統兵備兵使監市硝黃銅鐵盔甲兵刃各有
禁約虜人毋持弓矢甲胃使虜得與塞下民互市市
我以段紬布絹綿花針線索改機梳篦米鹽糖菓梭
布水獺皮羊皮金易虜馬牛羊騾驢及馬尾羊皮皮
襖諸種埃貢使既還而後罷市大將軍趙苛及叅政
鄭洛副使廖逢節叅議使何榮論上谷曰貢道今雲
中唯紫荆上谷唯居庸而紫荆則入腹裏居庸則近
山陵矣請守臣嚴爲備誠是至市場微舊市張家口

莫可若。臣等按地形。東北中三路。層巒疊障。南地又
地屬腹裏。豈可令外夷窺乎。馬直請以年齒盡寸。分
三等。上馬匹十金。中馬八金。下馬六金。互市大略與
雲中同。我所資於虜。非馬牛羊。則皮張馬尾。而虜所
資於我。亦惟布帛綿索而已。第請三鎮。皆以春月歲
一舉。舉又日同。庶絕重市之蠹。備兵使紀公巡議山
西曰。苛嵐一道。外內邊皆隘。按內邊東南起八角界
水。黃墩放丫角山。而北可九十四里。屬雲朔地。外邊
東起丫角山。放老牛灣。黃河岸而西。可一百八里。屬
虜地。去俺答巢頗近。然必從雲中邊而走。貢道以居。

唐爲便擇我崎嶇之地。以苦虜跋涉。庶虜益畏道險。而又期正月二十三日至長安。於是期而不至者罰。第守臣請毋忘滑石驢皮窰。馬頭山之備。然後請市于水泉營。水泉營。去板升近矣。當以紅門分內外邊。外邊築瓮城。其爲制建閘。閘外築大臺。名爲驗虜臺。臺左右復建大臺。名爲瞭虜臺。入此則爲關矣。關以內爲驗市廳。關以外爲水泉營。迤南築夾垣二道。高丈餘。則又建內關堡。得移寺塢兵於其中。聯絡水泉營。虜每一入市。少者四五十。多者百餘騎。并皆就瓮城。開封而徵老營兵。馳水泉營。偏頭兵。馳寺塢堡。兵

不足則以馬步兵及架梁兵晝夜擊刀斗。巡徼城中
埃市畢犒虜。駢市廳遣還。始入市時。我繒布鍼線梳
篦鐵鍋皆各以其式直著爲令。而虜馬亦必以四歲
以上。八歲以下。三尺六寸以上者爲上。臨市毋有異
議。分市使孫枝亦曰。所市如布帛鍋釜及鍼線梳篦
米鹽糖果之類。應從賈人互易。至繒帛則請以太僕
年例馬價易之。而以所易馬給馬兵。斯亦一便也。於
是都御史孟進請上著爲令。令先進貢而後酬以
封章。頃虜酋變詐益甚。俺答老而多謀。黃醜狡而慣
戰。把都猾而善附。土蠻衆而漸張。而況把都土蠻連

姻結好聲勢愈滋恐春日漸和必更蠢動莫若歲以
仲秋朔日爲貢期蓋時屆八月虜馬方強正異日狂
逞之候若容其通貢往返三月天寒水涸卽欲鵬搶
勢無及矣至若燒荒搗巢劫馬諸厲政亦宜稍免以
示招撫自是之後崇古及臺御史劉應箕等奉上虜
酋乞封貢便宜其略言今日之事不當以馬市例論
嘉靖中俺答擁衆入犯漁陽執我馬房中貴楊淮等
脇以奏聞馬市先帝不允而用咸寧侯仇鸞將兵
撻伐出塞無功懼虜復至潛以金幣媚虜本心出逆
鷄私謀故不旋踵而叛盟肆掠益甚先帝震怒始

寘于辟。最爲之禁。明旨具在。臣等敢冒請以干大

辟哉。顧今虜情。實與昔殊。虜連歲入犯。固多殺掠。乃

虜所亡去。亦略相當。又我兵出境。搗巢趕馬。虜亦苦

之。是虜非昔之強也。屬者戴天朝歸孫之恩。旣獻

俘。闕下復約其弟侄。并各部落誓不犯邊。又非如

昔之擁兵壓境。挾我邊臣而坐索也。且聞虜欲圖瓦

刺。蚕食西蕃。慮我軍議其後。故堅意內附。以自固其

情。可信。又虜使云。所請市。非復請馬市。但許貢後。容

令貿易。如遼東開原。廣寧互市之規。此固制待諸夷

之常典。非昔馬市比。臣等以爲使先帝在。亦必俯

從無拒也。且昨歲秋防報警。京城戒嚴。至倡爲運甓聚灰。塞門乘城之議。幾爲虜笑。今虜旣納款內附。乃必欲定久要。以幸百年之無事。異日有失。寃首事之罪。是豈惟臣等不能逆覩。卽俺酋亦止能保其身。而不能保其弟侄。能要諸酋于目前。而不能制諸酋于身後也。夫拒虜甚易。執先帝之禁令。則虜詐之難信。可數言而決。虜必憤憤去。卽以遣降之恩。矢心不犯。猶恐宣大土蠻及三衛歲糾俺酋爲聲援。以窺薊遼。如吉能子策賔兔諸酋。必爲蘭靖洮河之患。九邊騷動。財力困竭。雖智者無以善其後矣。若允虜封貢。

各邊有數年之安。乘時修備。虜設背盟。則以蓄養數
年之財力。從事戰守。不猶愈于終歲馳驚。自救不暇
者哉。臣等又歷稽國朝北虜。舊有勇貢之例。如正
統初年也。先以尅減馬價而稱兵。語在天順日錄。夷
虜封王。亦有太平。賢義。安樂。及哈密。忠順王故事。故
臣等酌時勢。稽典制。以爲許封貢便。因條爲八事。以
聞。一議錫封號官職。北虜惟土蠻爲小王子之苗裔。
所在遼薊。有衆十萬。以兵未精強。故難獨逞。俺答與
其兄吉囊弟老把都皆其臣屬。分駐宣大迤北雲州。
青山河套山內及河西大小松山。未易率合。每一入

犯必糾會於數月前聚至十餘萬方敢深入不則分
逐水草時遣精騎撲搶歸農此其大較也虜自土蠻
而外惟俺答爲導請比忠順王及西番故事錫以
王號頒給鍍金印信俾號召其宗盟它一切大枝若
老把都若吉能若黃台吉請受秩如三衛視都督而
第若侄其子若孫凡四十六枝若兀慎打兒漢等秩
視指揮諸婿他不浪等十餘枝秩視千戶請倣把漢
那吉阿力哥事皆賜官服俾知臣禮一定貢額夷虜
入貢名雖效順而實希賞今宜定制歲許一貢俺答
馬十匹使十人老把都吉能黃台吉各八疋使各四

人其諸酋長聽僉答分部落大小以爲差大者五四疋小者二疋使各二人通計那吉等凡四十七枝歲貢馬不得過三百匹使不得過百人有如請增無已亦無過五百匹使百五十人而以善馬三十匹屬使者六十人隨進闕下餘俱待命於市堡稟食縣官餘馬分三等以定直上馬匹十二金中十金下八金最下老弱及羸畜毋得入它一切分給三邊乘操而以椿朋克市馬費夷使聽以所直縣官市布繒還給諸酋以爲酬賞至欽賞悉如三衛西番便一議貢期貢道虜人貢互市宜以春月馬弱之時且及萬

壽節。四夷來庭。許夷使牽馬送奉表文。自雲中左衛
驗問。俺答許四人。它枝大者二人。小者一人。得入京。
分駐犒勞。花紅牛酒。縣道卽傳。次至陽和。已至上谷。
然犒勞如初。駐葉街。而以行使道入居庸關。走昌平。
直迎置長安蠻夷邸。月餘。儀部請廩食如禮。旣還至
陽和。臺臣復按驗遣歸。所在郡縣爲設官邸。禁私通
來往。盛陳兵仗以示威。郵傳給餉資。餽牽甚備。使使
至如歸。異時聽撫臣得議償。亡徒勞驛使。一議立互
市。北虜散處漠北。人不耕織。地無它產。今幸貪漢物。
鍋釜鍼線之具。繒絮米藥之用。咸仰給漢使。使者頓

額求通市。而邊吏卽以爲可許。冀免盜竊。非謂求開馬市也。請得如弘治初。北虜三貢故事。虜以金銀牛馬馬尾皮張。易我綿帛釜囊諸種。於是期至。令虜酋三百人。驅牛馬類百頭。駐外邊。我兵五百。駐市場。合市盡一月而止。有如貢使旣還。而市猶未畢。令虜酋駐邊旬日。必市竣而偕遣。以示要質。又或行賈貨不足道。使者於城市給遺。令勿絕。及商得馬。令市諸營。營無所用。復得市諸關中。文吏毋繩以闌出財物。如邊官法。至一切夷馬商貨。當有稅。悉如遼東開元市。以爲撫夷費。當是時。成虜市。聽約束於協守副將軍。

及城備兵使張家口市聽約束於上西路叅將及口
北分守使水泉市聽約束於老營副將軍及岢嵐備
兵使凡市漢禁鐵器而俺答亦禁諸囚毋擾邊寧開
乞請法量而給賞毋令通虜媚虜踵故常之虛敢不
如約者邊吏請論如法一議撫賞故事歲時戒備則
有調遣客餉春秋擺邊則有行糧料草各營則有哨
探丁夜行糧各墩則有常賒行月二糧爲費不貲且
一歲之間軍丁或零斬虜級或被虜傷死所以犒賞
而優恤者皆例外之供優恤多者三十金頃量予三
五金而犒賞則級予五十一金矣銀牌花紅猶不與焉

凡此悉取給督撫贖緩不足則取商稅商稅不足則取地租歲亡慮數千金今既通貢則墩哨可漸省三二百人歲可得行糧三五千石而又無斬獲中傷之優恤歲可免數千金皆足爲撫賞之需復不足則取年例客餉三五千金一切爲治綰布費茵長人段二疋紬二疋以好至者酌夷使大小量爲增賞夷兵人布二疋以今歲所餘充嗣歲所費積之數年客餉或可半省以節禁藏且議招降一款聽華人歸正而各塞收得真夷亦充家丁調虜於是華人歸者十七夷人避罪降者十三其有詐降以誑我虛實陰爲虜鄉

導者宜下令勿收納。以杜虜首索擾。至漢人來歸。亦
察無盜虜。及被虜歲月籍貫。及虜中主名。方入塞。所
騎馬。留邊聽虜追還人。與紬二疋。布二疋。而還一審
經權。夷狄之于中國。有順有逆。帝王禦制之策。有經
有權。經以禦之。而無忘有事。庶常勝之勢在我。狡
胡無所乘其隙。權以羈縻之。而不拘文法。庶操縱之
幾可決。邊臣得以效其謀。至于目前之利鈍。日後之
變態。其始固當預防。其終誠難逆覩也。屬者俺答納
款乞封。至今邊塵不聳。在虜實有呼韓突厥款塞之
誠。在我當有優遇受降之禮。今議者必欲嚴其始之

峻防以要其終之不變固爲守邊之經然臣等歷考古昔春秋之列國漢唐之封建雖中國友邦同姓尚不能守法信度而欲責之夷虜恐非達權之宜也今俺答年近七十其弟老把都子弟黃台吉吉能各年逾五十皆非昔強壯時倘各酋未死之年那吉輩繼承之後邊境有數年之安則宣大山西殘破之城堡可漸充實荒蕪之屯田可漸開耕河西延寧之大邊可漸修葺薊鎮邊臺旣修腹裏城堡亦可漸增築土兵旣練入衛之兵亦可漸減各鎮練兵設險積餉除之務靡不豫圖數年之後兵氣振而邊備嚴整縱

虜有反側。我固有以待之。以守可固。以戰可勝。是不失經常之守。而所省財力。且無筭矣。雖暫假職名。無虧大體。暫借客餉一二。爲撫賞充費。是一時羈縻之微權。而保固疆圉。生全邊氓。不旣多乎。釋此不事。則拒虜甚易。而滅虜實難。虜東西歲擾我。遠近戒防。士馬疲於奔命。財力匱于徵輸。非計之得也。一戒狡餽。言今之爲將者。平居旣無料敵之智。敢戰之功。及聞虜納款。率務爲誇誕。陰肆傾擠。以爲將必恃戰不宜聽虜和。以沮其氣。然自二三年來。虜屢犯宣大。未聞與虜一戰。惟規避欺罔。間出搗巢。趕馬所獲旣不足。

爲虜輕重而滋疆場之擾。搥奪國是。重誤邊計。罪可
誅也。請勅九鎮將領。戒平時驕悍之習。乘今日虜
虜之暇。務實修備。使虜知我之有待。不敢復叛。虜或
陰懷異志。則揚兵伐謀。使虜不能乘我之虛。數年之
後。卒夷安堵。邊備增飭。則錄其功。倘或挑怨搆讐。弛
僻疏防。則治其罪。今有造言飭詐。陰壞貢議者。罪之
庶貢議不阻。而邊事可無患矣。上覽其疏。下戎部
議。於是兵尚書郭乾議大略相同。獨封號引禮尚書
潘晟議。議倣三衛故事。授以都督秩。仍聽各自爲部。
不必假以統兵之權。至虜使宜留邊城。督臣使使者。

代進齋使者賞賚 上復下廷臣議議如初貢期以

二月爲率獨是歲以期迫聽三四月後得行之先期

俺答至近邊漢使約虜演習禮儀候 詔至爲位跪

起望 闕下叩頭如漢官儀旣受 封具番表謝

恩後如有求增貢數及互市不從約束聽關吏閉關

謝絕 詔從之於是雲中臺御史劉應箕致書俺答

大略言異時市馬出 朝廷財用易辨今歲出百姓

矣假令馬牛羊羸弱亡所利則嗣歲不可復繼而俺

答亦報書願如約因使使者索黃鶯及五采往繪佛

像是時督撫稱俺答爲老官人而俺答亦稱督撫爲

大賢德往往如漢昆邪例其五月俺答遣使奉表稱臣貢名馬三十匹。上御建極殿受之使太史奉金冊封俺答爲順義王賜之。詔曰朕惟天地以好生爲德自古聖帝明王代天理物莫不上體天心下從民欲包含徧覆視華夷爲一家恒欲其竝生竝育於寓內也我太祖高皇帝膺天眷命君主萬方成祖文皇帝順天繼統鎮撫九圉薄海內外罔不臣服迨朕繼承丕緒於茲五年欽天憲祖愛養生靈胡越一體併包兼育頃因爾孫來歸特命近臣護視給其服食厚加附納以禮遣還爾感朕恩稱臣內屬歲

歲入貢永爲荒服。俘獻叛賊以表悃誠。邊臣爲奏懇
款再三。朕念北番朝貢代固有之。在我國家亦惟常
典。爾能慕華內附。請命恭虔。可謂深識天道者矣。朕
實嘉悅。特允所請。封爾爲順義王。爾弟爾子及諸部
落頭目俱授以都督等官。俾爾世居本土。逐草射獵。
各安生業。同樂太平。朕代天覆幬萬國。無分彼此。照
臨所及。悉我黎元。仁恩惟均。無或爾遺。爾尚仰遵天
道。堅守臣節。約束爾衆。永篤恭順。使老者得安。幼者
得長。保境息民。世世安樂。朕國家膺萬年之天運。爾
子孫亦保萬年之福澤。豈不永有美利哉。倘爾部衆

或背初心，擾我邊境。此乃自乖大義，輕棄盟誓。天地

鬼神實共鑒臨，非爾之福。爾其悉體朕意，尚欽承之。

故諭它悉，以次除吏。都督同知，則把都兒。即昆都力

黃台吉。倫答指揮使，則把漢那吉。倫答指揮同知，則

賓兔台吉。把林台吉。即野鄧不他失里。三娘子所生

扯力克。即扯力更倫答長青把都兒台吉。把都兒

洪大。黃台吉邵卜大成台吉。禿兀兒。慎着力。兔台吉。倫答

佐。哆囉土蠻。把都兒。黃台吉。哈喇慎。着力。兔。把都兒

台吉。即打喇名指揮僉事。則那木兒台吉。波兒哈都

台吉。把都兒台吉。台失哈。不害。孫木兒哈。不害。哈木

兒呵不害

皆黃台吉男

把都兒台吉

俺答第二子擺腰男

阿不害

俺答

第六子打那那台吉

俺答伯叔弟

哈不愼

即來三子

滿五

皆

索台吉滿五

大台吉皆把都子

滿克寨台吉旭胡美台吉

皆

答伯叔弟

麥力艮台吉差方兔台吉克臭台吉克鄧台吉

皆俺答伯叔侄

合羅氣把都兒台吉

兄邵十大成台吉弟

正千戶則阿

力哥打兒漢台吉

俺答侄九旗男

來賽台吉來洪大台吉

把

都兒台吉子

大成台吉大安台吉阿拜

恰不愼台吉子

薛的箇台

吉蠻根兒台吉不噶杜台吉

滿五索台吉子

白愼台吉插漢

教不愼台吉哈不愼台吉

皆把都兒侄

隱克台吉

即安克阿不害

挨肆台吉

即挨肆阿不害

挨着兔台吉

皆承邵十大成台吉子

挨落台

吉

為大台吉子

阿不害

着力兇台吉男

委敬阿拜

唆羅土蠻把都兒黃台吉之子

副千戶則阿拜台吉

克臭男

阿不害

滿克賽兒台吉把都兒台吉

惡

不慎台吉。八耳谷台吉。

大成已故都騰兒子

唐伍台吉。

哈羅男

阿

不害

俺答伯叔弟拈叱把都兒台吉男

五奴谷把都兒台吉。薛的哥

台吉。銀定把都兒台吉。喫慎把都兒台吉。獨騰兒台

吉。滿根大台吉。

皆把都兒此都力哈侄

百戶則恰台吉。打兒漢

凡六十五人皆有

勅。勅曰。朕奉天撫運。君主萬邦。

異域殊方。無不欲其得所。但能效順。即吾赤子。無彼

此也。茲者俺答感恩慕義。率爾等奉貢稱藩。出自誠

悃。朕心嘉悅。特封俺答為順義王。併爾等俱授以官。

爾等其各率子孫。使他每都相和睦。各領部落。使他
每都遂生養。斯稱朕覆育綏懷之意。國家保祚隆長。
與國無外。爾等旣得內附。宜允篤恭順。堅守臣節。庶
得仗天朝之威靈。沐天朝之恩澤。傳之萬代。福利無
窮。豈不美哉。故諭。當是時。得勝堡外九里。建廠。廠長
闊可三丈。用線杆木料。廳用藍帛五十疋。紅布二十
疋。青綠羊絨三梭二十疋。手帕汗巾四十方。蓆五十
領。麻繩一百。綵亭四箇。綵旗二十對。中庭設黃幃。焚
香供張都。先期夷使打兒漢克漢。至公署習儀旣畢。
大張旂鼓。迎赴棚廠。都撫皆壁弘賜堡。遣副帥趙伯

勲遊擊康綸。勅諭十二道。及賜俺答蟒衣一襲。表裏四純。它皆獅子衣。稱是二十一日。俺答率諸夷迎。詔南鄉叩頭者四。已。漢官抄黃開讀畢。俺答行謝恩禮。復脫帽叩頭者四。夷禮以卸帽叩拜爲敬也。且日。崇古使使者奏。聞於是俺答亦欲爲番表謝漢。而胡中獨河西吉能及其侄切盡黃台吉兼通番漢佛經。迺迎爲表文。因糾合都督同知。昆都力哈黃台吉。指揮使把漢那吉。指揮同知永邵卜。大成台吉等。指揮僉事擺腰把都兒台吉等。正千戶兀慎打兒漢台吉等。副千戶阿拜台吉等。百戶恰台吉等。貢

馬凡五百九匹。上馬凡三十匹。鍍銀鞦轡馬鞍一副。而齎夷使。扯布疋羅不散。台布等六十四人。詣崇古表文。移叅以佛語極恭順。尚欠文。崇古即使漢所使書表夷使台實榜實等改正。付表匣封驗。因宴勞夷使。發陽和城。邸擇青白紅黃銀合棗騮驢馬凡四十七匹。開具毛色齒歲。咨儀部選三十匹入內。貢駝四百六十九匹。悉發三塞。山西凡一百有九匹。雲中上谷皆一百有八十四匹。價御馬一匹。予絲緞二表裏。生絹一純半。給金五兩。費亡慮百五十金。留遊馬以上申下爲直。如崇古議。請太僕椿棚銀費。凡六千七百有

五金是役。悉貯塞上都護矣。歲轉輸臺使者。於是率
永樂弘治故事。幸賜俺答。勅一道。大紅磷白澤紵
綵衣各一襲。織金磷龍一純。金冒白澤一純。暗骨朶
雲翠藍二純。大紅二純。素栢枝綠二純。素絹六純。木
紅四純。藍青二純。綵緞十五表裏。大紅織金冒背獅
子一純。青二純。翠藍二純。栢枝綠二純。素大紅二純。
藍青八純。俺答妻及把漢那吉。及黃台吉。及夷使衣
幣有差。而俺答妻亦多。不過八寶雲襖。紅骨朶雲裙
而已。而切盡黃台吉亦以迎。勅撰表賞綵緞三表。
裏生絹一純。金紵綵衣一襲。木棉布四疋。視指揮俺

答既得委質爲藩臣。共貢職。大喜。告使者曰。趙全等雖誅。趙宗山猶存。此輩不滅亡。終敗和約。崇古以聞。詔捕讞獄。先是漢使使者珊瑚。鮑崇德。簿責俺答使部夷私通邊答。因遣恰台吉兒。流唐文安。克把獨兒。台實打兒。漢首領土骨氣。獻我叛人張寶。趙天王。穆天爵。孫天用。會諸生計龍。及民王道科。趙景庫。被鹵胡中。久往往爲胡書番文。亦欲歸漢。乃以白蓮教及張輝等。與叛兵劉天麒。謀獻老營事。微告漢使。於是崇古聞。亟逮景庫。第景敖衣中以還。居頃之。靜樂令劉受帥邏卒執張輝。王道兒。而老營堡亦執石倫。問。

先兒馬操兒。曩三人約僣。答來爲獻城及門。謬皆有狀。而輝與道兒尤以祈禱鳴。邏卒常鉗鎖道兒。道兒私誦符呪。幾得脫。受廼令邏卒以犬血塗抹。始就繫。旦日分守使王九成備兵。使崔鏞分巡。使韓宰鞠獄。廼知趙天王興人也。名宗山。宗山有子曰百年兒。與郝建庫妻張爲虜。虜居草地。令張亡歸。爲宗山具言百年兒。宗山卽謁馬西川。李夢陽。道之亡虜。虜中事幾就。若無患矣。廼與穆天爵。張定孫天用。抵板升。是時靜樂人兩善友。王道兒。汾州人。張從庫。王大花奚。大用。奚大真。奚大秀。文水人。趙傑。嵐人。閭鶴。爲宗山

傳習曰。蓮教頃宗山謁俺答。獻雄黃半斤。廼以宗山等屬趙全。自是之後。宗山閉入關。窺邊。及賈漢物通虜。爲虜言。今正馬年。答又有天分吾等其興乎。虜廼寇抄我石州及汾州平虜。威遠靖虜鎮。羗天城。本宗山謀也。於是請論如全法事。聞。上有詔。詔俺答執逆來獻誠。順可嘉。賜金三十表裏。四之。恰台吉打兒漢十金幣。皆有差。其秋。套虜吉能等亦願輸貢。使夷使請於制置使戴才曰。吾以俺答爲長。專約束。彼旣修貢。天皇帝得市中國財物。吾獨處西徧。何至常在化外。唯太師矜之。督臣王之誥。議須數歲不盜邊。

方許。崇古言。吉能親僊答叔。勢相依倚。許僊答不許吉能。是鋼其首。而舒其臂也。僊答必陰乎吉能之衆。市晉。吉能亦必陰藉僊答之衆。窺秦。是晉爲秦受困。而秦爲晉中禍也。并請於朝。許其開市入貢。酌延綏寧夏。悉如宣大例。報可。賜吉能都督同知官。餘以次拜指揮千百戶秩。凡四十九人。竝賜衣幣。自市入貢。馬凡五十匹。而畱邊馬。宣大山西。凡四百六十九匹。延寧凡一百八十匹。語在吉能傳。於是上遣光祿寺丞一人。鴻臚序班一人。到塞治宴。而以總帥待之。宴僊答席連十金花二樹。大紅蟒衣一襲。彩緞

四表裏老把都黃台吉吉能席連五銀花二樹金色
段二純他酋長席治煤食餽果品二張湯飯五道色
段二純牛五頭羊十頭燒酒三十罈面餅五千大米
二石中段二十疋中紬二十疋色布千疋獨俺答得
用贊相而以我鎮羌鎮邊守備及遊擊指揮左右之
燕禮既畢因請市矣是時五月將盡塞外蚤虫漸生
虜多移壁大青山虜歲以此時往河套祭先人墳墓
崇古以爲宜及今開市得勝堡廼自五月二十八請
數至六月十四官易俺答馬可一千三百七十匹賈
萬五百四十有奇而以九百八十九匹給馬軍餘三

百八十一匹。屬賈人得。賈直三千四百六十六兩三錢。偏裨及商人。易馬騾驢牛羊。可六千七百八十四頭。大率八千一百五十有奇。我於是諸酋有燕賞。酋長監市有撫賞。效功勞漢官。亦有犒賞。凡一切段布花紅牛酒費。悉仰給本寨撫賞金。亡慮九百八十一兩。新平市爲熟夷五樂。詐黃台吉言。欲誘至寨下。因執之。俺答亦惡其不赴得勝堡迎。詔黃台吉心愈疑之。會邊吏欲閉關。迺自二衛克臭夷婦帳西來。與擺腰兀慎。自七月初三。至十四日市畢。官易馬可七百二十六匹。賈凡四千二百五十三兩有三錢一分。

而以七百二十匹給官軍。以六匹屬賈人得賈直凡五十五兩六錢五分。偏裨及商民易馬騾牛羊可三千二百三十三匹。大率三千五百五十九頭。費撫賞金亡慮五百六十一兩一錢二分。張家口市自六月十三至二十六日。官易昆都力哈及永邵卜大成馬可一千九百九十三匹。賈萬五千二百七十七兩八錢。而以一千一百七十六匹給馬軍。以四百七十二匹屬賈人得賈直四千五百七十兩有五錢。以三百四十五匹代各衛奉得奉金三千二百九十八兩五錢。官易屯主牛七十二頭。官軍易騎馬七百七十

二匹。商民易馬騾牛羊六千九百一十二頭。大率馬騾牛羊九千七百四十九頭。費撫賞金八百有一兩。水泉營市。先是多羅土蠻委兀慎還帳。避暑蝨虫。乃自八月初四至十九日市畢。官易馬二千九百四十一匹。賈二萬六千四百兩。盡給馬軍。商民易馬騾牛羊四千四百五十一匹。大率七千三百九十一頭。費凡一千五百有奇。是後昆都力哈。黃台吉。皆以市最。後請續市。獨石月暈。以牛馬易布物。按臣以獨石孤懸不便。許赴原市市馬。凡七百餘匹。崇古乃令備兵。使行筵宴禮。及撫賞虜王。及都督指揮大酋長。悉如。

封貢時。予金色段二疋。潞紬二疋。銀花二樹。加銀臺
盞一副。大率金段潞紬百三十疋。銀花六十五樹。銀
臺盞三十三副。皆仰給三鎮協濟。撫賞銀費凡九百
八十八兩四分。諸酋快甚。自以爲利。乃設黃帷香案。
謝恩如初。是日。俺答卽與諸酋申訂盟誓。以爲東有
昆都哈永邵卜大成。西有襖兒都司。虜敢敗約者。我
三家竝治之。或小人盜畜產。罰馬牛七頭。有如獲人。
予馬一頭。邊民盜虜。亦如之。是時虜中獨以不得糗
糒爲惜。崇古恐互市之初。商民鮮至。有難應酬。請以
庫貯馬價。及各營帑藏朋合。得易馬匹。十二金務足。

二千匹。先期出馬價二萬給商。官買段梭布。水獺皮。羊皮金。獨兵刃硝黃銅鐵及龍鱗衣物有禁。馬價以布緡兼予。上馬十二兩。實得金九兩。中馬十兩。實七兩五錢。下馬八兩。實六兩四錢。民間以故衣雜貨易馬牛者。聽一梭布可易一羊。一布衣可易一皮襖。利皆倍之。先是以威虜市。山高乏水。請解得勝堡。以堡故舊市所也。黃台吉亦以與父有隙。請興市。議者以平遠不便。竟開新平。分東西市。市皆遵臺御史劉應箕議。先期俺答傳箭。必貢事甫畢。然後召入市。及入亦必以俺答約。約其部爲某日。而又各以酋長監之。

虜騎皆毋得闌入塞。而商民有積貨欲與虜易者。先以名藉告關吏。我市本誓請借客餉金四萬。不足則請雲中庫出年例客餉金三千。官遣指揮一人偕行。賈往臨清。而以千三百治段。千二百治紬。五百治布。段必二兩以上。紬亦欲堅厚闊機。布用藍紅諸色。不足則借朋合一萬一千兩。班價七千兩。發四道道各五千兩。分往張家灣。河西務。治金繒諸貨。至西市。則預入左衛東市。則預入天城。令僧人定物價。毋欺慢虜。市既畢。則筵宴酋長。犒勞諸夷酋。人日牛肉一斤。粟米五合。麥面一斤。特酒一瓶。小菜油鹽醬醋及馬

草銀七分二厘。飯柴炭銀二分。皆取給尖丁銀。及商稅。是時大同左衛。及山西高站。皆賞送撫賞金二十兩。爲貢使治厨傳。始崇古議鐵鍋。爲胡中炊具。虜行寇鈔。必以得鍋爲奇。今與之衣。而不與之食具。虜其何以自贍。而說者曰。虜得鐵。必以爲兵。而不知胡中不習鍊炒。生鍋破。百計圖之。不得已。至以皮貯水。煮肉以爲食。請往遼東建寧市。市廣鍋。廣鍋鐵生。不受炒鍊。而況宣大山多道險。鐵鍋鮮至。決筴市廣鍋矣。兵尚書咨備兵使。及分守使。分巡使。大會庭中鍊炒。於是以廣鍋十斤。鎔鐵五斤。應箕以爲不可復市。計

莫若用砂鍋便臨市。土谷帥爲一軍。軍弘賜。雲中帥爲一軍。軍左衛。山西帥爲一軍。軍老營。以備不虞。其八月。四市旣成。市騎七千。并所錫縑綿葛苧費六萬緡。後以漸增加至二十五萬緡矣。於是晉崇古太子太保劉應箕已下。爵賞有差。是時與虜爭定。物賈力抗。虜索雖致忤虜王而不懼者。是時通事副千戶鮑崇德功。廼與百戶李寧。竟得陞一級。世襲。其九月。老營備守使孫錦行部。黎兒窰逢賊略索中裝。殺我墩軍二人而去。先是水泉備守使陳一言。與刀兒計私通。縱賣馬尾以歡虜心。虜亦月歛牛銀以安軍種。已

虜復盜黎兒墩邊邊吏田世威薄責順義王卽遣吏使疏捕草灘果得其姦臧而渠率則先已逃匿矣於是略其畜產贖死者命久之冬至崇古使使者頒大統曆而衆乃復求贖市以爲富者以馬易段帛貧者亦各以牛羊氈裘易布疋鍼線不謂無利顧一歲市數日焉能遍及崇古請比開元海西月市事月令巡邊夷同欲市夷各以牛羊皮張具告叅將聽赴暗門外軍民得以布貨變易漢因稅其物以克撫賞間不過一二日而止而必以叅將臨之然時吉能亦先請行延綏矣其十二月銀錠賔兔扣我張掖酒泉索撫

市。俺答傳言。禁之甚力。然其後家丁滿答漢。沙紀打兒。漢東貴。時往來我三條溝。寒雅口。寧遠堡。不乏矣。其六年三月。雲中遣指揮使。偕商往臨清。張家灣。河西務。易綵布。水獺皮。羊皮。金諸貨。而扯力銀台吉。九合擺腰兀慎。與其父黃台吉。爭部落。請異市守口堡。是時吉能及昆都力哈。罹霜露。病甚。吉能廼送奉貢馬十五騎。詣俺答所。昆都力哈亦欲矣。病愈。然後入。皆請寬假期會。於是俺答使娃娃臘物來聞。崇古亟使使者存問。兩人則以初三日溘然逝矣。久之。崇古遣使祭弔。而會昆都力哈老婦。素狡悍。或往來者。言

中國魔鎮其夫死快快甚而又天雷擊死夷馬益大
懼方圖擇日祭天不受漢祭而其子青把都女太松
阿不害恐漢使怒屬使者爲告太師必如漢約不缺
貢而俺答亦念其弟若侄甚建齋誦佛經陰爲度兩
人地已請兩人嗣及卹典其四月不答失禮進貢馬
一匹鞍轡一副大成那吉馬二匹鞍轡一副恰台吉
打兒漢首領威靜宰生馬十匹襖兒都司先進馬十
匹上谷氣台實計龍昆都力哈大成二百五十匹俺
答亦如之廼使夷使十人并台能使四人昆都力哈
襖兒都司使二十人請入京所上表出大都榜實手

殊不識字意。達漢式。俺答乞加美言。事奏。上有詔。賜俺答大紅蟒白澤獅子紵絲衣各一襲。綵段二十。三表裏。妻亦賜大紅五綵紵絲衣二套。綵段四表裏。是時倖惠之翰治宴。夷使具言。願得代價。於是上卓三席。不得代。而酋長代中席。二兩散夷代下席。亦如之。俺答既還。益誦佛經。專以殺生靈爲戒。獨恨不達佛理。廼請西番刺麻公木兒榜實公實。榜實黃金把實恰打兒漢。上亦遣二刺麻皆訓以經義。帥俺答歸善道。於是俺答請工師五采建寺大青山。及刺麻通事人金奉官而吉能子把都兒黃台吉方搶番忽。

聞父計還歸而能第那木漢壻威靜恰求貢甚哀先是俺答請貢使入京及鐵鍋及印信及屬夷恩賞於是應箕以爲宜比哈密忠順王例予鍍金銀印一顆至貢使給諫梁問孟議以爲便陸樹德以爲五不可應箕稱引弘治初北虜小王子歲遣千五百人居雲中邸而以四百三十五人入京次年增至二千二百矣三衛歲貢馬三百匹海西建州千五百匹使皆與馬稱且俺答所請入京使僅十五人許之便諸使聽制置使具名送部本鎮得宴勞如禮已儀部請光祿丞一人賁金幣詣邊治儲待總帥祭酒丞亦與焉鐵

鍋始議如薊遼例欲以廣鍋說者又以價貴販少而
遼左亦撫賞時乃議以砂鍋且虜以鐵柱石塊爲竈
鐵釵木杓爲器難禁撞敗楊博議銅鍋以鎮甘肅時
所獲夷器多銅故也莫若以潞鍋每生鐵十斤炒煉
可三斤又賤而況胡中鍋漏則補塞充煮破裂卽隨
地廢棄不知炒煉乃令以破毀易新者便是年虜或
貸傍近帳鍋或以馬易鍋不得輒抱憤欲叛者十人
而五以故俺答索鍋甚急撫賞應箕議虜中以粟帛
爲衣食故捐生搶掠而無忌虜俗視子女爲一體故
衣食必共而不吝俺答黃台吉書稱各有丈人女婿

姊妹外甥及部曲大者一二千小者數百人今其宗
枝皆有爵賞矣而獨親屬不得大爲羞怨於是應箕
論順義王令板升種田千頃歲差足自給老永二枝
去邊遠獨黃台古系窮悍亡賴冬旁近塞行獵春至
往往索我巡徼使市畜產牛米豆石餘羊襍糗數斗
無畜間以柴鹽數斗易米豆可一二斗柴一担易米
可二三升而其甚者或解皮衣或執皮張馬尾惟冀
免一日之饑問其故曩時資鈔略以爲生今旣不敢
犯邊惟有坐以待死宜予之賞便且每酋不至一二
十人各量予紬段二疋布十疋米石餘鍼線茶菓諸

種悉如酋婦例。及互市時。亦各予布數百疋。米豆一二百石。邊外復開小市。聽虜以牛羊皮張馬尾易我襍糧布帛。關吏得稅其物以充撫賞。不足則以減哨及賞功公費。及各塞節餘客餉金。大抵虜寇則利歸於部曲。虜款則利歸於酋長。不得不曲爲諸窮夷地耳。而獨給諫梁問孟以爲米豆非塞上所易足之物。後恐難繼。且如三衛撫賞不足。則削月糧。月糧不足。則令軍士買柴以充賞。而況俺答黃台吉。昆都力哈。老把都強悍。非三衛比。有如歲以爲例。則釀塞上患深矣。其二十九日。俺答多羅土蠻委元愼等。先赴水。

泉市至五月初九日畢。官易馬二千三百七十八匹。而以上馬七百匹。發太僕以一千六百七十二匹。發諸營費凡一萬八千六百一十七兩有奇。商人易馬驢騾牛羊二千二百有九頭。皮襖凡一百一十四。馬尾凡一千四百九十斤。我燕賞及撫賞費凡一千七百有五兩。會莊皇帝宮車宴駕。崇古爲位。率貢使哭臨成服。是時青把都太松阿不害儼然有父之喪。而迤北黑夷乃窺隙奪其穹廬。殺八人而去。以故貢市最後。然自去歲至今。數萬騎炫黃於加峪關及西海者。皆俺答部夷。意欲胡爲乎。其五月崇古請轉遷。

切盡黃台吉威正恰把不能官。爲指揮同知。大都榜實。及諸生計龍。及軍餘。小土谷氣台實。有書寫功。夷使安克黃台吉。啞都赤。被虜總旗王繼祿。有傳報功。廼比恰台吉。打兒漢例。授百戶。詔從之。其六月。上新卽位。黃台吉亦赴新平市。廷臣請大放。高皇帝於忠順王。文皇帝於和寧王事。皆予印。於是賜俺答印一顆。印池一面。鍍金。惟入貢表文始得用。俺答廼率黃台吉赴宴所。稽顙樹領。扶服蛾伏。悉已恭領。隨佩金印紫綬。踰快。因齎夷使。公實把實馬七匹。奉表稱謝。用黃紙油印。字畫又粗拙。俺答亦自稱不

曉文藝。乞太師再加美言。崇古即使譯者崇文光譯。明代爲改正。而俺答所快快於中國者。第以部曲四十萬。又不得鍋爲請。先是俺答請金番經數部。及刺麻番僧一人。事隸祠祭司。於是咨僧錄得金字經三部。行順天府。復造及墨字經。大率十部。遣其刺麻僧星吉藏。十堅叅札巴。及其徒。領占班麻星吉堅剌往。以堅叅札巴曾使西番。兼通經故也。崇古幸俺答晚喜佛意。欲番僧闡揚慈教。啓發善心。乃取撫賞金。造禪衣褊衫。市稅金。治米麵茶果菜蔬。及紅黃紙劄。貢器具。而以漢僧八人。陳列法器。令番僧至虜中誦經。

於是通事人金奉冊胡語具。既至虜營。一曾出也哉。

十王神像及心經華嚴金剛觀音等諸經以爲此梵王初傳妙音與傍門邪法不同佛家爲傍門者七十有二而傳法降魔皆非正法因陳說清淨真空明心見性令戒殺去暴全天地好生之德免十閻羅地獄之苦崇古又恐番僧多習咒法有如二僧不知徒爲虜王所嫚易廼令傳告虜王漢法禁習傍門徒知奉西方大乘教法已廼擇日治道場謝三寶圓滿功德如令俺答旣聞僧至卽引衆出迎四十餘里膜拜迎入穹廬與胡中番僧哈望噴兒刺夷僧公木兒把實

大都把實黃金。把實恰打兒害。叅伍無異。俺答卽率其子若孫。及部衆萬餘。日夕了手而禮佛。崇古復給緡布四十餘疋。米麪四十餘石。以爲建醮費。其七月。俺答如胡僧俗。授二刺麻大國師秩。是日。遣夷使公實把實安克等。二十餘人。送聖叅札巴等四人。還塞。與之馬七十餘匹。橐駝牛羊百頭。禪衣各一套。緡布數十疋。俺答故不識番經。及漢經。復請韃靼經而漢亦張鼓樂。導迎夷使陽和耶。賞銀牌緡布如禮頃之。黃台吉亦請僧建齋。而虜衆亦以佛爲宗。以僧爲師矣。於是相率念佛傳呪。同戒殺生。化兇殘。興慈悲之

念易豺狼受獅象之馴。崇古復稱引。祖宗朝勅
建弘化。闡教諸寺於洮河諸處。寫給金字藏經。封以
法王佛子。令其分制西域。因俗立教。請下明詔。

詔儀部咨內外經廠。給韃靼經。因賜堅叅札巴等僧
官。官予禪衣坐具。僧冠。而會經廠久焚。禮尚書議以
爲番僧止習本教。不達虜字。仍與番經便。至番僧堅
叅札巴。星吉藏卜。哈望噴望。刺授覺義。其徒領占班
麻星吉堅剌公木兒把實。公實把實。大都把實。黃金
把實。恰打兒漢。授都綱。皆西番秩。故事。覺義儀部咨
吏尚書。請勅都綱。太史撰文。皆令居虜中。以化導諸

夷於是幸許諾。廼遣使者賫勅書五道。勅命勅匣。包勅袱匣外紅綿布包袱各一。紅綿三兩。授僧冠坐具禪衣六襲。虜酋雖習番經字。不識文藝。每與督臣書札皆出漢人手。多爲群姦所波蕩。往往書辭以口傳背馳。以故不足憑。是時順義王甚加被惠澤。蒙休德願格心易行。歲奉表稱臣。顧不識漢字。詔書屢下。如類亡知者。廼請譯者與習胡字者。叅伍得傳習書寫。以便爲表。於是戎部咨四夷邸。遣韃靼譯者叢文光詣制置使所。譯畢。卽傳次還京。着爲令。每貢期迫歲遣譯着往會。文光所携字譜忠孝經皆番字。

崇古以爲朝廷幸遣官生以訓虜衆。恢弘文教甚大惠也。廼諭虜王敬文光至。備國使副帥麻錦治米麵蔬菜。使通事人楊亮金奉送文光與具。旣至虜王大愉快。如獲百朋。而文光廼日與諸虜傳受番文。較對字意。講忠孝大義。令那吉擺腰習字。居月餘。虜王報以上馬遣歸。適東西虜公質大都等聞風慕義。尊文光以師禮。邏拜因賁番文以求印正。文光皆爲譯辨。人人各自爲親已。低徊者八月得還。始封貢時。遣譯者馬繼志往。後授序班鴻臚寺。崇古請官。文光亦如之。自是之後。文光繼志間遣一人往驗番文。效喜。

峯口側也。其七月，扯力艮台吉擺腰台吉。兀慎台吉赴守口市。語在扯力艮傳。是時俺答以暑急，蚊久避青山，作佛事。其八月，始起得勝市。自二十九日至九月初九日，市畢。官市馬三千五百六十二匹，費凡二萬六千八百二十一兩有奇。商民易馬牛驢羊一千一百九十七頭，馬尾五百九十一斤。我燕賞費一千三百七十三兩有奇。其九月，指揮同知永邵卜大成台吉，揀漢敖不艮等人貢。語在永邵卜傳。崇古於是約馬賈。山西匹七兩八錢，大同西市匹七兩五錢，東市匹七兩三錢，宣府匹八兩二錢。較始議上馬十

二兩可省四兩。中馬十兩可省二兩。下馬八兩可省數錢。是時所獲馬倍直。至十五六兩。少者或十二三兩。卽以馬價及椿朋、齎買紬段、梭布、水獺皮。以爲異時市馬費。其元年夏。俺答入貢。復欲避暑。竣秋至互市。是時黃台吉欲西略番。乃以貢馬數匹付俺答。而遣其妾若子入市。先是老酋婦疑老把都以酖死。而會永邵卜夷人又死於市。益心疑之。以故青把都永邵卜貢市皆不至。俺答機械變詐。飾身赴市場。漂漂約束。陰令其子黃台吉。侄青把都蹣躡邀索。因而調停示德。黃酋市每後期。部下率時略我民人。又却使

車東夷東往諸帥請兵之。崇古曰：懼之而已。無速狄。彙以旨諭虜王。每口置酋長二人。分地千楸。疏捕。謂之守口夷。而御史孫琮亦以爲貢市初。以夏末夏初爲期。今過期久不至。或有變盟之意。廼上八事。請嚴爲邊備。書多不載。是年俺答率都督同知黃台吉。指揮使把漢那吉。指揮同知賓兔台吉等九人。指揮僉事擺腰兒台吉等十九人。正千戶兀慎打兒漢台吉等十八人。副千戶阿拜台吉等十二人。百戶恰台吉等八人。大率遣使七十人。小酋二十六人。入貢。然馬直匹增五兩。畱邊馬增十兩矣。是時我漢人王道科。

及趙景庫計龍小土谷王繼福辛惟尊。出胡中。又往陰爲我漢人耳目。積功勞。崇古徵使通事官楊亮胡天福。珊瑚金奉往諭之。令以漢亡命及虜情來告。其二年三月。俺答獻閭鶴等四人。把漢那吉。獻李四。劉洪四。宗璉。恰台吉。把兒漢。竹愛巴達子五。奴骨器。獻姚丙只。此其人。皆日夜佐虜叛盟。或祥以歸降我。而實欲塞上有事。爲虜首地。胡天福等亦逮叛。率王天福等二人盜邊馬弓等五人。泄邊情者。田大紀。王結等到寨。請論如法。上從兵尚書議。賜俺答紵絲衣一襲。表裏六之。把漢那吉以下有差。王道科等表裏

二之。楊亮等秩一級。其五月黃台吉堅請鐵鍋弗得。請鐵釘。虜使多舍民居僧寺。往往略鐵釜馬蹬。民間或闌出鐵私易。於是御史陳文遂陳八議。至籌胡馬貢期尤備。大略以爲江南江北輸馬值二十四兩。至部。部以十二兩發邊。邊以八兩可易馬一匹。月給料一金。於是議解寺寄養。則不習水土。難欲以代官兵。奉餉。則又變易難。迺欲以兵二人領馬一匹。卽以折色餉抵直。凡二季。而又復其役半載便矣。臣獨以爲軍役歲不過修邊。邊不可乏人。而況二軍有如皆貧馬。率不可易。則胡以爲資而兼之。夷情漸狡。常以驚

馬混售。至直七金者。又多所未有。計莫若如雲中事。勿扣餉。毋已。請增數人養一馬。卽扣折色餉。毋出一月。庶軍無賠馬之苦。而月糧亦省矣。貢市按初議。議以二月終入貢。五月初開市。期而不至。則絕之。大都春初草芽未茂。胡馬羸弱。而我又赤地千里。虜亡所鹵。略至盛夏。則胡人苦熱矣。獨我塞上水流草青。於此時得馬。可資以爲養。誠便計也。今貢期常至四月。而市則益後。竊跡新平市。六年以七月。元年以八月。張家口市。六年以九月。元年以十月。而青把都以十月。矣。大虜旣得延引。至秋馬肥。弓勁。而我又禾黍滿

野虜得因以爲利。甚者陽以它故請假期。或至冬止。李墮指者十二三。而虜獨耐風寒。揚揚請市。意得甚。及馬入漢。則以無青草。倒死相望。柰何常中虜計。而不寤乎。當是時。四月已盡。貢馬猶不至。宜亟下令。令俺答督諸酋貢。無出此月。至市事亦欲以大月告畢。事下所部問狀。於是戶尚書按文燧議。議宜大撫賞。已歲各支積貯客餉二萬金矣。不得復借。及減哨尖丁商稅。稞公務夷稅等金。歲終皆聽綜覈於部使者。而以青冊移所部驗問。詔從之。其八月。制置使方逢時議通市馬。大略以丑年。宣府凡一千九百九十

三匹。大同凡三千九十六匹。山西凡三千九百四十一匹。六年。宣府以老把都諸子不至。易永酋馬。凡九百二匹。大同凡四千五百六十五匹。山西凡二千三百七十八匹。元年。宣府凡七千八百一十匹。大同凡七千五百五匹。山西凡三千九百八十八匹。今二年。宣府至一萬四千五百有奇。大同至七千六百七十有奇。山西至五千有奇矣。先是科臣議。北直隸河南山東暫停歲俵馬。姑行折色。匹二十四兩。動發三邊。收買胡馬。胡馬價不過十二兩。則一馬充二馬之用。且八兩又多貨物。則二馬之價更拓有三馬焉。崇古

議歲發三鎮各萬二千金。同椿朋馬市馬千匹。轉發
薊鎮。或俵兌京營。或給戶寄養。兵尚書竟請予萬金。
馬給邊後。御史右丞楊綵又請以部價所市馬給三
關。餘悉解太僕。匹予貨本十二金。少太僕卿屠羲英
見爲胡馬來自塞外。不宜水草。未及半載。多所倒死。
請以予軍。軍或如有餘。一切屬縣官。官賣不得。議解
京發寄。致滋耗損。於是逢時議軍民或不及盡賣。請
三邊各擇水草薦美之所。建牧場一區。及舊草場皆
清覈。令軍一人牧馬三匹。每十軍爲一群。十群爲一
校。而以一把總領之。計牧爲一場不足者。無取盈焉。

而以叅遊知牧事者領之。時其水草。班其毛齒。稽其良否。視其醫藥。夏秋放青。兼令軍餘采秋青草。以備冬寒。而山西則領於行太僕。宣大則領於備兵使。陽和則立一小場。請比種馬例行賞。至孳生馬駒。聽軍民得以金請易。國家歲令直隸山東河南養大馬數萬匹。轉太僕爲軍國計耳。顧民馬每匹費四十金。而芟芻猶不與焉。今請於市馬。歲擇肥壯者。宣府二千三百匹。大同千五百匹。山西千五百匹。送戎部。轉移太僕。得委宿屬臨場大會。行太僕及兵備使守巡使選擇。允給京營。祇徵直隸山東河南金錢以爲市。

本費二薊鎮。歲發萬二千金。上谷易馬。凡千二百匹。殊便。今真大河保諸郡。偏裨馬亡慮數千。半仰給於太僕。皆軍自行買。不足則佐以橐中金。宜比薊鎮例。請增千匹。每營歲有常。官領軍自行易買。真定赴水泉市。保定赴德勝諸市。價視馬上中下。上馬十二金。中十金。下八金。三上谷以一鎮而當永邵卜青把都諸夷。以故市馬比二鎮獨多。幾萬五千餘匹。而我塞上卒。僅僅四千七百有奇。猶三不當一乎。今請擇舊給軍馬二千餘匹。轉太僕發京營。以抵真保春倭馬。薊鎮則量增千匹。而以新馬償原軍。以後於牧場選

解。是月。俺答使大都三靜麟害等。送刺麻番僧。堅叅札巴。班丹聰明。午徒屬領占班麻星吉。堅剉。及番指揮馬你卜刺還塞。皆酬以衣馬。奉表謝恩。及書報制置使甚恭。因請遷刺麻秩。謂春和時。歲遣僧設醮傳經。遵大漢持齋戒殺訓也。先是俺答請鍍金佛像。及金字番經刺麻僧。以故馬你卜刺等。復奉金光明經往。於是制置使議陞覺義堅叅札巴。都綱領占班麻等四人秩賞。馬你卜刺。以其人習各國語。及韃靼番經也。其九月。俺答赴寧邊河候市。而會察罕兒。約兵犯薊鎮。俺答不從。廼告通事人敖八當備邊。是時

青把都亦欲犯界嶺義院口。察罕與青把都風通姻
媾。又巢穴甚近。亦有市心。其十二月。俺答以寧夏中
衛市遠。請徙蘭靖。是時二子賓兔。一居松山。一居西
海。而家丁韓林大兒。娃四孩兒。刺海赤。又在河西勃
勃。有西意矣。其二年五月二十八日。黃台吉妻五蘭
比妓及其子松木兒台吉。赴新平市。二十九日。兀慎
擺腰。赴守口市。我兵備保平瓦窯口。然至次月初九
日。幸告成。其七月初四日。永邵卜大成台吉。赴張家
口市。其八月十四。青把都亦至。至二十六幸告成。其
九月十三日。俺答自青山營。偕多羅土蠻。委兀兒慎

赴永泉市。我兵備老營。然至廿七日幸告成。其十月
初一俺答又赴得勝市。我兵備弘賜堡。其十二日俺
答進表及貢馬。則請鐵鍋農器甚堅。先是三衛哈密
每入貢。得在途買鐵鍋。制置使方逢時知俺答春秋
高厭兵。廼比故事。與之約。約以鍋折馬直。大者口絀
一疋。中梭布四疋。小梭布二疋。於是永泉得勝市多
受布用。大率三百口。因著爲令。鍋毋得過五百口。禁
予農器如初。是時松山賓兔及其子阿赤兔引千餘
騎略番。聲欲入塞。臺御史以檄諭俺答。答卽遣夷使
烏侖三靜肘塞。打失等六人往誠兔。其三年四月使

通事人土忽智請貢期。塞吏譙讓忽智如初。忽智曰。太師言是賓兔。以不得市於甘肅而去。寧夏又道遠。不得如諸部悉就理。甚爲塞上所患苦。今縱不開大市。亦宜善爲撫賞。撫賞惟均。何患不受約束哉。其六月黃台吉妻大成兀慎。且沁比妓。松木兒比妓。及其子青把都。扯力艮。擺腰兀慎等。市新平守口。頃白洪大青把都。并允邵卜大成。及其子隱克等。後先市張家口市。其九月。俺答市水泉。其十月。又市得勝。是月俺答請城名。上以貢事積功勞。會五年。法當上賞。於是賜金幣。名其城曰歸化。其四年七月。至八

月。新平守口。水泉得勝市如故。其九月。俺答遣夷使
火力赤等。進馬九匹。及鍍銀鞍轡。鍍金撒袋。各一副。
弓一。矢十五響。朴頭一。次子不他失禮。馬一。孫把漢
那吉。馬三。姪擺腰把都兒。馬一。鍍銀鞍轡一。黃台吉
偕兀慎打兒漢。多羅土蠻。委兀慎等。貢馬凡二百五
十匹。畱邊馬凡二百五十匹。上馬凡三十匹。是年遷
把漢恰台吉爲指揮僉事。進合羅氣階將軍。馬五索。
嗣父指揮同知。秩沙赤星。遷副千戶。秩皆視事。部夷
撒袋榜實等。各遷百戶。秩而已。故哈刺慎著力兔把
都兒台吉妻青哈屯。及擺腰母。一克比奴。兀慎母七

慶比妓皆得比合羅氣。妻一克比妓有上賞。已給
勅凡七道。一順義王及那吉。一黃台吉及扯力克。一
青把都。一永邵卜大成。一合羅氣。一兀慎擺腰。一套
虜把都兒。黃台吉以酬主市之勞也。其十月貢夷打
刺明安及錄定部夷。旁膳房堡行獵。會把總張維屏
等十餘人亦往邊外樵蘇。見虜衆鳴砲迎戰。戰不敵。
遂略入營。携往興和城。頃之還我六人。聲言漢無故
納我降人。背初約。不信。實欲索我重賞也。於是制置
使方逢時禁邊吏毋得以一布一肉往討。第使通事
人楊亮趙國勲歐陽清譙讓順義王與青把都急也。

居月餘。俺答大會黃台吉。及永邵卜。青把都。切盡黃台吉。皆爲漢恩覆載。不可背。亟使夷使宰牙赤偕包素恰。倘不浪。捨的庫。按銀錠打刺明安罪。酋長人罰索駝二頭。部夷馬一頭。大都如所往而止。先是漢與虜約。背盟者。罰羊一千。馬二百七匹。索駝三頭。後竟如漢約也。俺答黃台吉。廼請罰羊一千。索駝一。它悉以送奉塞下。已銀錠打刺明安。亦款塞。請除罪。復市貢如初。如是。賜俺答金三十兩。紅蟒衣一襲。彩段六表裏。布二十疋。黃台吉金二十。紅獅子衣一襲。彩段二表裏。布十疋。邊吏復以所罰馬。予諸虜。俺答凡

八十匹。橐駝凡三頭。黃台吉凡十五匹。青把都等凡六十匹。永邵卜等凡四十匹。切盡黃台吉凡十二匹。其十一月。俺答獻賊夷阿都赤梟鵠菴。其五年四月。俺答及昭勇將軍把漢那吉等入貢如初。獨沙赤星台吉新來。先是上幸賜西海寺名曰仰華寺。而俺答丙兔亦復得修城青山。以故俺答益求索亡厭。迺請遷啞兒開大周思漢哈秩及切盡黃台吉金印。其五月。各市成。獨張家口則滿五素及其妻太松阿不害等亦初至。它一切如故。是月俺答復使大把巴石虎兒害恰等致書臺御史侯東萊。請五藏刺麻請令

縣道傳次。并顏料蓋寺西海岸。已廼索金經。鍍金佛。供奉西寧寺。數數然請出馬。你卜刺議策矣。御史邢玠上書。恐松山加峪諸酋。相煽而起。宜備水泉岔口。及永昌鎮。番其六月。俺答至得勝市。以避蚊虻。復還是時。大將軍備弘賜堡。其八月。至水泉市。大將軍復備偏關。是後俺答請遷巴陵台。吉七子官。大抵貢夷每一至。則請遷酋長秩視事。及視事。則復賞散夷。皆率以爲常。其閏八月。俺答使大首領何恰上書。言欲迎生佛。飲長生水。先是河套諸酋。略瓦剌。殺其酋長數人。兵馬死折者已千數。已故諸酋皆慙愧。休舍加

峪關欲報怨。廼約俺答。俺答以春秋七十。老耄。難于乘馬。第詐許之。實不欲往也。已廼迫切盡黃台吉。請徵永邵卜。襖兒都司哈刺慎。及宣大諸酋長。并乞西寧開茶市。於是躬赴水泉市。市畢。始携數十萬衆。決策往矣。卽遣恰台吉。宰牙赤。公實把實那吉等守市。因巡檄塞上。敢背約盜邊者。罰如刺明安例。制置使方逢時。及給諫裴應章。後先皆上書。大略以夷狄相攻。與中國無與。第嚴備邊以待之。其九月。御史李時成。奏俺答垂涎茶市甚。禁勿予便。是時給諫陳三謨。薦都御史石茂華鎮二邊。其十二月。番僧恰打兒漢。

至甘州。請謁俺答。俺答以多羅土蠻與北夷相仇殺。故弗西行。而又會部曲青山。尙不浪曲兒克榜實。皆後先物故。故胡中歸咎於俺答。不見番僧所使。然如出一口也者。頃之。俺答復引把漢那吉。及擺腰扯力民。赴西海仰華寺建醮。因遣夷使土骨赤索貢賞。及請通事人與俱。西行之日。惟恐塞吏之有疑心也。其六年正月。御史黃應坤。請宣大通事官二人。先至甘肅。以備虜。是後郭銘。李福保至。請授甘州衛試百戶秩。其四月。賓兔狹虜王。略熟番甘藏諸族。大獲。自此番人苦虜。聽其詛約。與相盤牙。而延寧套虜。亦騖利。

而西。甘肅多事矣。俺答聽我降人議。以大明律繩其下。得中國錦綉奇巧。每以驕土蠻。土蠻亦索封貢於遼。語在土蠻傳。是月俺答從甘州外邊蘆溝套黑水亂骨堆。至昌寧。已從寧堡關入邊。至周家灣。已從永昌城。至橫梁山壤。已從新城兒。至石頭口。已從西南大川。至大河口。已從九條嶺。透洪水花寨。曹古城。至大馬營泉腦。其五月。至扁都口。然虜王亦以法繩諸部夷。令毋近城堡。毋踐苗禾。而漢亦給米麵酒肉茶果。以中其驪。是時蘭靖莊浪涼永鎮番西寧每二十里建塘馬三騎。塘軍二人。視虜緩急以告。邊吏猶恐

貪洪水曹古城。美水草。益備虜。制置使董世產亦移
蘭州。頃之。俺答自甘州外邊。使夷使兀藍漢。還豐州
川。治貢事。先是。答往西海迎佛。而以貢故。晉兀慎台
吉。恰台吉等。經紀其事。於是邊吏使使者。諭黃台吉。
青把都。永邵卜。大成。及河西卜失兔。阿不害等。遵約
束入貢。居亡何。酋長恰台吉。五路台吉。阿拜台吉。打
兒漢。倘不浪。計龍。土骨赤寺。果送奉俺答馬九匹。及
弓矢。至邊。而黃台吉。兀慎。擺腰。多羅。土蠻。禿兀慎。及
諸部以貢馬二百五十匹。上馬二十匹。留邊馬二百
三十匹。至是後。哈剌慎。青把都。永邵卜。大成。打刺明。

安。銀錠打兒。大台吉。市張家口。兀慎打兒。漢台吉。五
路台吉。市守口。若黃台吉。并妻若子。松冰兒。台吉等。
市新平俺答及恰台吉。阿拜台吉。市得勝水泉皆如
初。是於俺答及其妻哈屯。妾三娘子。與把漢那吉。凡
一百四十三人。兀慎與擺腰凡一十七人。黃台吉凡
四十五人。青把都凡八十八人。永邵卜。夫成與合羅
氣。凡四十三人。皆受上賞而去。頃之。俺答請授且且
台吉等十九人。秩爲副千戶。討討兒。恰等四人爲百
戶。賞俺答女中索阿不害。如太松。是時指揮同知。把
林台吉。又物故矣。請以子著力兔把獨兒。台吉嗣。皆

給勅書。視其枝以爲率。其九月。邊吏請以虜臣茶數百匳以供佛。其七年十一月。御史趙楫奏。俺答居西海中盤牙連歲。有四不便。四可慮。語在邸狀。是月俺答請以馬五百。至洮州易茶。并從者糴布米藥。御史羅應鶴上書。大略言曩時丙兔索茶。猶賴虜王罰治。以堅初約。今則躬冒蹈之矣。度虜請茶微意。不越二端。或者以番人懸命於茶。而需茶於市。以爲我不竊操市權。則番未易以威劫也。非然。則以爲國家視茶爲重務。法嚴。輒假此而撓之。以請。華而漢。卽我予。我復從洮州而西寧。已從西寧而河州。卽不我予。亦

可坐索重賞。此其勢不宜予。請嚴爲禁便。頃臺御史
傳希輦奏。亦如之。其五月俺答自甘州外邊。使使者
還豐州。趨哈台吉打兒漢。倘不浪扯布土骨赤。貢馬
如初。是時哈刺慎青把都台吉。及永邵卜大成台吉。
打刺名安。銀錠台吉。打兒大台吉等。後先赴張家口。
得勝守口。新平水泉市。其七月。俺答返巢。先是制置
使吳允。賫金幣。通事人金鳳。師國勲。偕夷使羊羔兒。
賜俺答。趨東歸。俺答大喜。廼以番書還報稱謝。而我
所使通事人珊瑚戈陶。及王自保。李登雲。郝景奎。趙
國勲。黑倉。龔喜。土骨赤。魯世美。啞獨賴。監王西行。亦

爲王所孚信。并皆斤斤奉約束。唯謹。其八月。俺答發自石羊石虎川。腦至寺兒峽。居四五日。復走木不藏。休舍。而我塞上卒。則恐虜自甘州。迤南。則入蘭靖。迤北。則由松山入寧夏中衛。及赤木口。稍北。則由賀蘭山後入延綏。於是叅政使李汶。備安遠。副觀察使張九一。備石夾行。太僕馬圖。備石浪。備兵使石櫃。備岔口。制置使部光先。亦移蘭州。軍居中。而俺答冉冉從大同河寬溝見入。鎮恙境矣。已從鎮恙東閣門出走。東北草地。所至幸靜息。亡它腸。而御史趙楫。部光先具以狀聞。其十一月。俺答還至大板升。燕恰台吉。

其十二月。俺答益戴漢撫賞恩。遣夷使海大首領扯兒克。首領何恰撒袋榜實。上表稱謝。因貢白駝一頭。黃駝二頭。馬二騎。甲一。刀一。氍毹二疋。而番僧滿頓失禮。虎筆力哈亦貢銅佛一尊。刀一口。氍毹二疋。裁絨褥一條。徒屬溫布刺麻貢氍毹二疋。刀一口。襖兒答把刺麻補兒哈度刺麻。閃定刺麻。以另慶刺麻。貢氍毹四疋。表文甚恭。於是制置使吳父。臺御史賈應元。使叅將張元寶代進。因賞賜俺答。及西行者。北番者。大成台吉以下。皆有差。八年二月。臺御史宋守約亦以套虜還巢聞。其三月。制置使鄭洛詐使使者趨

虜人貢陰察虜情。是後以不他失禮積功勞。增秩爲驃騎將軍。而酋長常漢我不銀台吉等十九人亦授銜。銜視百戶。諸酋班定兔阿不害等皆受上賞而去。其五月。俺答黃台吉及套虜卜失兔阿不害等入貢如初。是月開市。至十月抄告罷。其十二月。俺答請寺名。及遷番僧哈望噴兔刺秩爲大覺禪師。於是禮尚書會大司馬請於上。詔從之。賜圖書及幣帛。名其寺曰弘慈寺。其九年五月。俺答以滿五大盜遼左邊。召至佛前譙讓之。語在滿五大傳。其六月丙兔益以索茶市未遂。故略楊咎二番族及漢人在田間者。於

是俺答及都督同知。卜失兔。阿不害。龍虎將軍。切盡
黃台吉。使使者薄責丙兔。因罰馬如初約。執火力赤
等五人。并皆來獻。已大司馬方逢時。覆臺臣郅光先。
李堯德奏。上有詔。賜俺答以下金幣。有差。寬假火
力。赤等死罪。屬俺答。以夷法治之。因勞以贖罪馬牛
羊。其十二月。俺答請部曲。皆從套中。往西走。亡何。答
懼霜露。竟不可藥。遂死。於是妻三娘子。使使者高榜。
實保素。宰牙氣。把思。害首領。告計於塞上。曰。答以是
月十九日卒。制置使鄭洛以狀聞。上有詔。念俺答
效貢年久。恭順愈堅。特與勅書一道。祭七壇。綵段。

十二表裏布一百疋以示優恤。是時胡中疑邊吏乘
虛構巢輒潛移帳房一夜至十數起。賴鄭洛曉譬漢
實無此意始得安堵。其十一年三月洛大會臺御史
賈應元遣遊擊沈棟奉諭祭及降真香七炷往歸
化城於是答妻三娘子及黃台吉躬率諸夷望闕
叩頭謝恩然後行禮禮畢復叩謝如初。其四月三娘
子奉表來一通上馬九匹稱謝。上復賜三娘子及
黃台吉不他失禮金幣有差答生九子長黃台吉次
擺腰阿不害次鐵背答吉次賓兔台吉次把林台吉
次打郎台吉次不他失禮次沙赤星台吉次倚兒遜

台吉答死黃台吉嗣。已黃台吉死。孫扯力克嗣。始答最屈。疆常以爲王之故。欲令尙嵐備兵使蔡可賢下拜。賢爲人有膽。厲氣以折之。竟不拜。是後答見吾塞吏輒和柔。非復昔日答也。

讚曰

善哉乎。賈生所謂五表六餌也。今以治虜。果有驗而說者言一敗於弘治。再敗於嘉靖。是大不然。曩嘉靖中以仇鸞不法。敗大事。此自敗。非胡敗也。頃貢市成。中國止費數十萬緡。所省徵調費不啻百萬。且胡中衣食居室。悉如漢制。比天所以資漢制其死命。雖以

板升扒沙之盛。土蕃尾刺之合。何益哉。

中三邊武功錄僉答下卷

終

萬曆武功錄卷之八

翰林院添註待詔瞿九思著

中三邊

黃台吉列傳

黃台吉。俺荅長子也。嘉靖中。索馬市雲中。雲中弗許。計窮無所獲。廼提精兵走薊遼。而獨石。古北。潮河之間。蕭然苦兵矣。又詳言我積怨於三衛。必欲報之。制置使何棟。知虜詐弗可信。請備邊日益嚴。是時胡中名黃台吉爲辛愛。日引安灘把都兒。克失炭等。略伯彥帖忽思。因以所略馬牛羊。閼匿深山中。先是。亡命

陳打罕與黃台吉合兵。略朶顏把卜亥馬牛羊得算。迺復謀我薊門。假以取妻朶顏故。得久逐潮河水草。頃之移壁長水海白廟兒。有吞噬三衛之志。自是上谷以東。漁陽以西。胡馬充塞道路矣。黃台吉益縱兵。鹵朶朶顏都指揮哈哈赤馬牛羊。及車輛過半。意在脇三衛以自歸。然後連衛而圖我。可知也。制置使使通事人焦萬福齎檄馳哈哈赤示三衛。毋得陰與虜合。以中虜計。而哈哈赤先已殺黃達子三人。捕打賴一人。迺遣其子鐵庫以篋輿膠致喜峰口。請獻。見關吏。關吏驗問打賴故酋長鐵卜囊部夷也。鐵卜囊方

大會把都兒辛愛及輕生台吉。小失台吉。薛蘭努都
台吉。阿素台吉。阿都罕台吉。莽古台吉等。二萬人並
休舍討來灣。幹兒期走塞上。計欲鹵略我繒布。我塞
上烽火連月不息。賴哈哈赤力得解免。上從兵尚

書議。賜哈哈赤金頂大帽。大紅膝襴獅子紵絲衣一
襲。表裏四之。鐵庫衣幣皆有差。把卜亥亦給段綃布
帛。及米鹽牛具輜重。令復業。是後趙小厮。新從胡中
來。言把都兒在商都趨窮廬。各殺羊五頭爲脯。欲略
黃台吉。因走京東。當是時。安灘亦欲走大西邊。阿牙
台吉則又欲從古北口走。京師大橋皆有萌芽。爲

伯思哈兒覺具以其狀來告。居有頃。黃台吉把都兒。又徵套虜往河東。與大酋俺荅。虎麻哈喇把兔。會兵謀欲分道而馳。並危我京東。以京東美水草故也。已復自恃合小王子打來孫之盛。又欲略京南。獨畏漢兵強。恐其鋒難當。乃詳言。吾欲走遼陽。彼得從古北口起。出我師所不意。而哈哈赤頗忠漢。以爲其計果行。則京以東。京以南。寧得晏然已乎。亟使使者微告漢。得蚤自圖之。已引衆三萬人。逐水草。至青山。欲南馳。直趨渡口。我伏兵四面起。黃台吉遁走。休舍大青山。插漢腦兒。會伯顏打來。避辛愛。亦潛移薊鎮石塘。

續制置使劉燾恐辛愛且至薊門徵兵以待之已廼
檄告三衛有能捕斬俺答黃台吉者不惜萬金賞是
年黃台吉女額卜寨額卜指與黃勇通勇本漢人亡
抵虜營易其名曰失兒克事覺復亡歸漢居亡何
莊皇帝卽位矣是年正月黃台吉起自插漢腦兒把
都兒起自火郎不喇酥並治兵黑漢腦兒圖我薊門
迤西適安灘病弗可行獨把都兒往影克營祭旂纛
因徵安灘吉囊兵欲寇鈔我水冲而黃台吉則引擺
腰兀慎打兒從他不囊馳龍門金家庄及鎮寧外邊
大同灰河殷殷勿乏絕給諫歐陽一敬廼上書大都

慮東虜與北虜合急在山西寧鴈其九月兵尚書郭
乾著爲令。令有能捕斬辛愛把都兒者。予五百金。遷
其秩三級。是時俺答寇山西。土蠻寇永平。獨黃台吉
遷上谷外邊。按兵不動以致我師。有顧此失彼之虞。
於是南山黃花古北告儆矣。其十月。黃台吉引千餘
騎。索伯顏打來。伯顏打來實與黃台吉講好者。特託
言爲讐故。以示塞上。或無疑。其二年四月。辛愛偕把
都兒詣伯彥奴兒修城。其後一年。爲庚午正月。俺答
貪左衛美水草。欲阻漢人耕種。廼走板升城。號召把
都兒。永邵卜。及蒿奴。梁落土蠻。阿兒都司。擺腰兀慎。

倫台吉攻雲中。黃台吉攻上谷。洗馬林已徵坤的里罕。坤的里罕以馬瘦止。欲攻獨石永寧。是時俺答令諸虜人治羊一頭。馬二騎。下貧者。人治馬三騎。並詣雲中上谷。於是上谷臺御史王遴。雲中臺御史方逢時。各以狀聞。其三月辛巳。愛把都兒只昂復馳插漢腦兒。廼欲自上谷雲中。至老營堡。行鈔略。給諫溫純以爲插漢腦兒在白灘三間。從此窺上谷。則永寧四海冶爲急。窺薊門。則黃花鎮石塘嶺古北口。墻于嶺爲急。且土蠻方倔強。有如一。日從太平以東。窺左足而應虜。爲之奈何。其八月。諸虜各聚兵。黃台吉則腰帶

山。把都兒則插漢腦兒。土蠻則捨刺母林。蓋未嘗須
吏。忘古北。洪蔚。冷口間也。居頃之。辛愛把都兒安灘。
東走土蠻。期九月。寇鈔我獨石。黃花鎮。因壁商都大
古城。於是虜酋傳箭來告。而御史傳孟春請於上。
事下戎部。以何俺答果引其衆東行。道逢黃台吉。言
欲先蹂踐我近邊田禾。黃台吉恐兵力不足。言不可。
於是俺答怒。東走大白海子。而黃台吉亦北走。各別
去。其十月。黃台吉兀慎擺腰乘俺答西行。索降人擺
衆馳弘賜堡。掘牆而入。直薄鎮城。旦日。零虜並走東
塘坡古城。砲鳴震天。是夜。至許家庄。漏盡。鷄鳴矣。環

鎮城而居者。倉卒不自意虜至。多被殺略。於是臺御史方逢時。遲日出。登東城樓。望見虜益逼城下。計畫無所復之。亟遣通事人龔喜。土忽智。曉譬黃台吉。趨歸降。黃台吉始信之。俄而復疑。廼質喜。遣腦木兒偕土忽智謁逢時。所說甚秘。弗得聞。已犒腦木兒牛酒。及紅改機一純。遣歸。黃台吉志在洪州。弗聽。竟走高山站。副總戎麻錦欲援之。逢時止弗往。賴雲中副總戎劉國鏐戰許家庄。多所斬獲。我軍大率減五人。時制置使王崇古遣總戎趙苛。馳燕山頭擊破之。斬首五級。虜騎盡東南馳。而偏將軍胡鎮馬孔英復追亾

斬首九級。會總戎馬芳亦自井坪來邀戰。虜見我師勇氣益熾。逗遛不欲前。先是黃台吉所歷馬舖牛家堡七十餘所。殺略男婦凡五百餘人。鹵馬牛羊凡二千餘頭。糗糧凡一萬二千餘石。焚室廬凡五百餘所。且以代府墳墓所處亦焚其殿一座。何皇它問乎。於是御史姚繼可劾奏諸備守者罪。有差其十一月。俺答偕黃台吉執趙全等塞上。請歸把漢那吉。語在俺答傳。其五年正月。漢使李寧過黃台吉。聞窮廬哭涕聲不絕。以雲中所殺虜多故也。其二月。俺答益感得孫之惠。強黃台吉把都兒。委質而臣事漢。御史劉

良弼上書言黃把二酋祇爲父兄所強終非本意而況往來者惟侯天祿及二三中國亡命之徒兩相傳說皆一切欺謾語弗可信是月黃台吉諸酋婦索邊賞亡厭制置使王從古讓書再發率黃酋如漢約不然者漢第以一偏將軍收其部曲殺其妻孥而黃酋自此悔禍其五月漢授黃台吉都督同知歲以二月入貢先是二月將盡聽四月得復舉是月黃台吉迺從俺答並入貢始漢使鄒泐王勲齎勅書及麟龍獅子衣表裏至得勝堡會黃台吉惑於熟夷五衆言言制置使王崇吉計欲誘而執之猶豫不迎

詔。僅遣其二子至。於是從古致書俺答。俺答詰問益急。其七月。黃台吉貪漢市物。廼自大東三衛。克臭夷婦帳西來。帥其妻若子。并指揮使擺腰。正千戶兀慎。赴新平市。漢亦賞賚如它市。黃酋廼叩頭者四。稱謝不容口。已廼求續市。市馬凡四百疋。是時黃台吉獨後至市。市閉馬。以故未盡售。然亦偶寬假之耳。後它酋不得請。以爲比。黃台吉爲人夙悍鷙。變詐亾常。常以極酒發狂。積過失。雖俺答及昆都力哈。爲父若叔。猶率意而行。必不能遵約束。獨控弦萬餘。輒多恣肆。黃台吉反至。不能制其死命也。今關市下索屬夷酋。

賞及欲徙熟夷至再三四殊不類阿父得勝市清晏
要皆諸部夷過也其八月史大史二諸部夷盜黃台
吉馬牛羊黃台吉遣夷使亞都善同打兒漢請于崇
古大畧自言曩過聽日者言畏是歲屬兎殊不利於
南廼以歿阻父叔父叔不入薊秋毫皆我力也今加
以邢吉來降自以爲旦莫可幸無它虞何至今史夷
盜我馬牛羊乎願太師爲我畫便計有如不還我我
請以兵問諸塞上太師其勿督過之崇古惡黃台吉
詞傲至不恭且故以此恐懼我以爲我遂賞熟夷罪
我竟弗與於是議召其父若叔語之故然後張吾三

軍往正之。黃台吉聞羞負，只懼天誅，亟退舍遠邊。崇古廼遣通事人金奉告俺答。答獨行出帳外，微語奉謂奉黃台吉數背約，勢且再入。入于太師，幸爲我計殺之。我自無怨悔。頃黃台吉亦使使者請其世叔昆都力哈願與父同力，索熟夷。父若叔皆不答。黃台吉於是度勢孤，乃詳爲行獵。獵旁近塞，以訶我。竟何如？狀崇古旣聞黃台吉悔禍，且近塞，乃微告總戎趙苛。亦詳示不知故狀，擊牛酒飲黃台吉。黃台吉中酒果大喜，以爲久負中國恩，罪當死，顧非一人所私行，實以父命故。屢入塞，然亦未敢深入。屢入屢被折。

此太師所深知。自今永爲藩臣。世保漢塞。有如吾言。弗可信。請以天日臨之。崇古幸許諾。是後益忤其父。父居恒偏愛後妻。及那吉。絕與黃台吉不相能。自那吉還。黃台吉心愈疑。疑父與叔并皆圖危已也。頃之與小酋擺腰。有一日之怨。輒棄妻子。走市門曰。與其居胡中。爲此屬所魚肉。孰若借居漢塞。上沾聖化哉。印蘭副使申佐相。鄉關下曉。譬者竟日。而其妻若子。則又皆環泣扶掖。始解免歸。其十一月。黃台吉齎眞夷影克及昆筆。寫氣景四等八人書二紙。至新平堡謁崇古。屬使者先視以一書。書覽而太師不色怒。

然後次第出。出則一以請謝前過。一以請勅及市馬牛羊。及索米鹽。蓋爲歲事所迫也。崇古得書。果大怒。以爲昆筆寫氣。本我漢人。名王繼祿。曩黃台吉所致書。倨侮皆出此曹乎。今一切謝絕。毋令復入塞。諸夷皆俯伏叩頭。請乞極悲哀。於是許給勅賞。時冬至。會順義王與那吉。亦使使者七人。索水泉市。市諸賊夷。并索番經。崇古於是設龍亭丹墀。率使者從諸將吏後。叩頭山呼萬歲。行慶賀禮。使觀漢官威儀。類如此。已頒明年大統曆。俺答黃台吉各一冊。黃封遣之。去。何制置使超總戎趙苛。召史大史二。繩諸

部夷以竊馬說謊罪。從漢使至塞上。與黃台吉講和。黃台吉故納史二女。當勿相構隙。已許黃台吉。赴新平與民市。市牛羊以百數。彼以羊一。得我布可二疋。牛一。得我布貨可二金。大都我所出布疋。不過二錢而止。而彼牛羊至漢。漢固已倍屣之矣。是月復立新平市。以俺黃臨市。往往憤沮大事故也。其十二月。黃台吉部夷四人。至西界臺。臺軍桑六馬文寶。食以火酒麵餅。乘醉飽睡。遂以已布襖易其皮襖。四夷幸從醉中覺起。舞殺傷兩人而去。頃之。黃台吉使小酋長猛噏綽賴走洗馬林邊。索降人。備守李三極弗與。因

犒以牛酒。酒酣大醉，以爲此特故爲無降者，以欺我。我不聽。我惟執董威所牧馬六匹，欲以爲質。是時夷人肯只貴行獵，洗馬林鹵我馬二匹。已又從鎮河臺入鹵我馬六匹。我亦執其夷酋曹通事娃娃二人。於是崇古遣通事人安天爵、簿責黃台吉、黃台吉亟遣他不害，還所鹵馬。而漢亦出曹通事娃娃屬黃台吉。當以夷法。自是之後，漢歲令俺答及昆都九哈、黃台吉、每邊口各立夷兵二十人，而以兩酋長掌之，給以信牌二面，皆稟食漢官。歲時巡徼邊口，有盜邊及無故走墩臺求索者，皆執以告虜王。虜王請論如法。其

六年二月黃台吉比妓誘車夷哈不當革固穹廬鼓
十走密雲邊黃台吉東住酋婦凡四人其一爲哈不
當女一爲克吳女一爲朵顏阿太女一爲史二女其
四月各酋婦皆還龍門所請月賞語在史車傳是月
黃台吉新與察罕兒構隙已又與多羅土蠻爭夷婦
然以俺答迫竟入 貢是年賜黃台吉八表裏生絹
二純紵絲衣一襲綿布八疋其八月黃台吉遣其酋
長阿的庫恰王把總等赴新平市是時扯力艮及擺
腰兀慎與黃台吉有深怒請以七月分市守口堡然
復給 勅書以勵之者殷矣其九月黃台吉部夷巴

狠首領哥誤。通事人土寬等五人爲西番襲殺之。海上賓免使使者追問實以誤殺。亡它腸。於是罰馬以贖。死者命是後。黃台吉勢益窘困。其馬牛羊及部落多爲扯力艮所殺略。其冬日。諸部曲猶恃行獵以爲生。恐春至。益束手無策。曩時黃台吉諸部獨單弱。貧甚。上者牽牛羊走邊口。牛一。易我米豆石餘。羊一。易我雜糧數斗。下者則以柴鹽。鹽數斗。不至米豆一二斗。柴石不至米一二升而已。又下者則以皮張馬尾。甚至解所衣皮衣接食。食亦不及夕。安問朝乎。皆相怨嗟。嗟以爲居恒捨略。頗有餘。今以畜易食。猶至禁。

我。我胡爲者。於是崇古議賞及親屬。而小市益得列矣。居亾何往來者。皆言黃台吉奔歸察罕兒。崇古常私度黃台吉。此不過以異時怨父若子姪。故窮而來歸我。我不內。今始言奔東虜。以要我。我遂以檄諭順義王。庶假我以解禍。勢不久當且復合。頃之。黃台吉妻果使使者詣崇古所言。黃台吉勢窮。幾自盡。請爲阿夫釋憾於其父。崇古亦以書微告俺答。當和合子侄。毋相乖戾。以永貢市。已傳諭黃台吉。黃台吉卽詣俺答。漸與俺答合。卒如崇古所什。其應變如神。類如此。其十月。黃台吉遣夷使請僧。欲傳經建齋。是時

黃台吉。春秋已逾五十。豈悔心漸萌乎。其明年。則爲上之元年矣。其三月。我通事人歐陽清。馳黃台吉所。黃台吉具爲清言。察罕兒花旦計欲寇遼東。是時臺御史張學顏。則又言黃台吉與察罕兒聚兵。於是制置使劉應節。御史陳文燧。及給諫張書。皆以爲此黃台吉言。不足憑。大都恐陽爲傳報。以要私好。而陰實有它腸耳。其六月。黃台吉以馬從俺答入貢。已令其妾及子。赴新平市。廼大言。言吾自欲寇西番也。是後黃台吉求復市。守口堡。給諫蔡汝賢。奏安攘大計。以書多。故弗載。其十一月。御史孫鋈上書。陳八邊計。以

爲黃把之乍順乍逆皆俺酋明委之以賈我厚利使我不得干彼而懷戒備則必厚施于此以爲鑄錘地耳其二年五月黃台吉妻五蘭比妓松木兒台吉赴新平市其九月黃台吉入貢其三年五月黃台吉偕青把都聚兵獨石外邊語在青把都傳其六月黃台吉妻兀慎且沁比妓松木兒比妓及其子青把都扯力艮及擺腰兀慎赴新平守口市其四年六月黃台吉同妻威兀慎赴新平市其九月黃台吉入貢其十二月俺咎大會黃台吉驗問打刺明安諸賊夷語在俺咎傳其五年五月同妻威兀慎比妓及兀慎

擺腰赴新平守口市。其八月黃台吉入貢。其又八月雲中告儆。制置使方逢時遣龔喜持箭令解圍。徒知黃台吉盛壯時不意今已衰竭且多病幾至不可支矣。其六年五月黃台吉入貢。或稱都督同知。或稱龍虎將軍。蓋無常云。其七月黃台吉同妻松木兒比妓赴新平市。其七年八月黃台吉入貢。其九月青把都大會黃台吉欲連衡三衛寇遼陽。其八年九年黃台吉皆以五月貢市如故。是年部夷長麻兔及不彥台吉索重賞以厭。其十二月順義王俺答死。其十年正月黃台吉使使者速兒庫首領告訃于漢頃。

之順義王妻三娘子遣土骨赤計龍以王喪未發請
寬假貢期是時制置使方逢時度黃台吉必請嗣於
漢有如後我貢事則我得以阻彼封爵乃許之居亾
何黃台吉遂以三月朔先入貢前是諸貢虜皆以
深秋然後次第至於是黃酋志在得封可知矣上
幸有詔詔加黃台吉大紅白纓紵絲衣一襲其八月
俺答薨其十月黃台吉遂與父妾三娘子婚其十二
月襖兒都司吉能永邵卜大成哈刺慎昆都力哈反
言黃台吉等七十九人遣夷使宰牙氣等齎番文請
以都龍鐵木兒黃台吉嗣頃之黃台吉亦遣南答素

等自言爲王嫡長子。當襲順義王。指揮同知男扯力克台吉。當襲龍虎將軍順義王大娘子。且當賞。是役也。夷使後先至者。凡四百餘人。制置使鄭洛撫賞悉如法。於是人人各極其欲而去。其十一年正月。臺御史賈應元以轉遷去。會胡來貢填雲中。辛應乾填晉而來貢。則新到官管事。乃召按察使梅友松。叅政使鄧林喬。副觀察使劉思中。總戎郭琥。副總戎麻貴議。應乾則召備兵使張惟誠。邢玠。總戎王國勲。副總戎陶世臣。議皆如黃台吉請。初黃台吉貪鄙宣姪。常奪諸夷婦。二十餘口。後至以百數。久之以不能養贍。

故往往縱其走各邊需索衣食費以致外奔胡中口語殊藉藉自俺各物故黃台吉始貪封爵益悔禍於是指天日戒酒而屏婢妾百餘人予子姓旦莫悲詞以求封豈不欲佩金印懸兩肘得恣無涯之欲而不知耄期已至歿亾亦及之矣其二月黃台吉大會西部襖兒都司東部哈喇慎等龍門口龍門口蓋兎毛河邊也於是三娘子治具而屬酋長擺言速戶等三人祭酒乃徼靈於皇天上帝今已聞漢太師議議予黃台吉嗣王位既嗣之後凡一切貢市悉方先王父故事敢議約及不如約者請以天帝擊之是月襖

見都司復帥諸部遣夷使南木答刺首領等九十九人。番書再至。先是王俺答而亦官及諸酋長光寵甚。黃台吉部夷於是請以爲比。并請答妻大娘子。欽賞與哈屯。哈屯卽三娘子也。是時黃台吉生母矮克哈屯與俺答頗失歡。以故未請賞。頃大娘子死。俺答亦死。洛以爲諸夷所請皆是。獨言諸部夷官不可蓋答。以始王不得不予。諸酋長以漢秩。今豈可相提而論乎。乃破羣議以請。事下禮尚書。及兵尚書問狀。後上竟從其議。以黃台吉襲順義王。賜大紅五綵紵絲蟒衣一襲。表裏八之。援扯力克龍虎將軍。時十六日。

也。其四月制置使洛齊將馬應時師國勲傳諭黃台吉赴邊迎。詔其五月黃台吉帥酋長南答素等三百餘人待命殺胡堡。當是時黃台吉亦新更名名爲乞慶哈矣。先期偏將軍潘忠朱翰任秉公詣公館供張甚都。進南答素等庭中演禮。旦日大張旂鼓。鼓聲震天。應時等乃齋。詔書從鬼毛河口出邊。於是乞慶哈扯力克至榆樹灣。酋長蘇木兒及儻不浪等五百餘人至黑河去巢近者百餘里。遠者二百里郊迎。旣望見。詔書輒俯伏叩頭者四。前導至壇塲演禮。如初。越三日晨起。乞慶哈俯伏堦下叩頭。漢使宣讀。

詔書乞慶哈及諸酋俯伏叩頭。巴夷首反。言恰扯布及三娘子次第並進。恩是日乞慶哈擊牛酒犒漢使。遂與東西諸酋長切慶黃台吉等爲長夜之飲。驪甚黃台吉自誓感漢恩重。當舉酒拋天。願永永爲保塞臣母。窮其六月。黃台吉遣酋長宰牙氣等一百四十八人送奉馬九匹及表文一通稱謝。洛隨遣副總戎潘忠代進。幸賜黃台吉及哈屯金幣有差。其七月黃台吉入貢。然弗稱乞慶哈者。遵勅書所載耳。是年以家難未平。至十二月。然後諸酋赴得勝水泉市。而黃酋之婦曰大威兀慎且沁比妓亦與焉。其十

二年正月五蘭比妓部夷小色等奪我通事人劉天
祿馬一匹五蘭比妓故黃台吉妻也後聞乃罰小色
馬二騎牛一頭羊七頭其十三年三月威兀慎比妓
部夷啞都赤等盜葛峪堡邊奪我軍盔甲我軍追亡
得生口擺言而大威兀慎亦黃台吉妻也廼罰牛十
八頭以請除罪其四月哈不慎犯雲州挾我市賞我
兵追逐旋悔罪還所鹵略於是乞慶哈爲謝罪賜金
幣以勞之語在哈不慎傳其七月乞慶哈遣不他失
禮入貢而番僧答賴及閃坐巴刺麻三綠囊素刺
麻亦進馬與銅佛舍利子珊瑚海螺氍毹犀牛角白

黑犀牛尾白狐皮黑檀香。漢藥各有數。是月打賴台吉部夷畢同盜右衛邊。於是三娘子及打賴台吉罰同馬三匹牛二頭驢一頭羊三頭。其十一月五蘭比妓部夷紅達漢盜我北界臺鐵砲一位。行至鎮河臺爲臺兵馬大山所逮。膠致五蘭。於是罰牛四頭羊六頭。其九月乞慶哈遣夷使講卜失兔馬賞。語在卜失兔傳。是月夷酋小斡漢傷我通事人姚廷奈等三人於紅崖。小斡漢故乞慶哈之壻。卜吉素倘不浪部夷也。於是三娘子罰馬牛羊。稱所略。其十二月順義王乞慶哈死於大成娘子所。其十四年三月龍虎將軍

扯力克及第五路台吉遣酋長阿刺兀等二十九人
比俺答事請前祭。詔從之。五月臺御史胡來音遣
遊擊將軍馬應時通事官龔喜齎勅書祭文及綵
段布降眞香。悉如俺答禮。於是三娘子扯力克遣酋
長扯布台實等二百餘人郊迎漢使者。宣詔于乞
慶哈之靈。諸夷皆望關叩頭謝恩。其六月三娘子
及其子扯力克姪五路台吉等遣酋長安太耳六常
戶首什等八十四人恭進表文一通白馬九匹。稱
謝。是年貢市皆三娘子及扯力克主之。其十五年五
月遂以扯力克嗣而三娘子封爲忠順夫人。先是

乞慶哈沉湎酒色。旦莫呻吟於床蓐之間。蕩甚。以故三娘子擁精兵而索居西哨。扯力克統部曲而僻居東隅。威令甚不行也。頃三娘子益欲私其子。懸印而扯力克又睥睨其中。頗鞅鞅不相能。諸部曲及板升多有欲窺隙而起者。殆非俺答沕時之景也。乞慶哈妻五妾一子十七女四。又名孔昆的祿兒。辛愛。黃台吉。

讚曰

語曰妒媚生患。信哉。乞慶哈始爲將軍。已慄悍。雄諸部。又蕩佚。皆莫敢誰何。已得嗣王封。遂蒸父妾。姪益

甚。然不兩載而哈旋物故。豈非好色必亡者乎。又聞三娘子與乞慶哈年相若。甚妬。始爲答妾時。亦奪矮克哈屯之驪矮克卒鞅鞅而死。廼不得授我漢封哉。夫矮克哈屯故乞慶哈母也。何廼忘母大怨。甚至散其諸婦而又寵之。宜其蚤死而不克王位也。

不他失禮沙赤星列傳

不他失禮俺答第七子也。始我指揮僉事秩隆慶末
貢馬及鞍轡。上幸賜幣帛如禮。答以三娘子所生
故益寵愛之。令復進鍛銀鞍轡。賜彩幣二表裡。居
二三年。轉而爲指揮同知。上巳卽位四年矣。歲入
貢時。或缺鞍轡。弗如故。其後庚辰秋。臺御史高文薦
以不他失禮貢事。積功勞。比把漢那吉事。加將軍名
號。以旌之。是年拜驃騎將軍。久之。俺答物故。所遺山
西大同諸市口。屬不他失禮。沙赤星倚兒將遜而板
升諸部。屬大成比妓。以故三娘子爭欲得大成比妓。

以爲不他失禮地。竟弗可得。語在三娘子。及扯力克傳。居亡何。黃台吉又死。而王篆及兵符。皆匿三娘子所。先是不他失禮與扯力克爭婚。不相能。日鞅鞅睥睨於其間。而會三娘子聚鹿。扯力克爲王得稍解。然後三娘子請加不他失禮勲階。以慰藉其意。是時驃騎將軍政掌西部兵。太自威武也。上幸賜不他失禮爲龍虎將軍。於是與扯酋長子。晁兔台吉官並。旣相雄長矣。時丁亥三月也。其後庚寅。從扯力克大寇我河西。給諫徐桓。張應登。計欲立不他失禮而大封諸部。則扯酋聞而大懼。可知矣。後相率從川底東還。

議遂寢。其明年。扯酋禽史車。得復市。而不他失禮。亦轉遷爲都督僉事矣。曩者旣不得如三娘子意。人慮之。彼廼執橐鞬以從也。

沙赤星。俺答台吉第九子也。而與不他失禮及倚兒將遜皆三娘子出。以故俺答心絕愛之。丙子秋。制置使方逢時請遷副千戶。是後黃台吉爲王。而阿兄已爲指揮同知矣。三娘子不勝愛少子意。日夜思欲爲沙赤星地。亡從乎。而會癸未貢事旣畢。法當賜諸酋爵一級。於是黃台吉請比不他失禮。願爲沙赤星增將軍階。而制置使鄭洛如其請以聞。遷沙赤星爲指

揮僉事。而賜之以階。曰。明威將軍。久之。扯力克嗣王。而與三娘子上書。請爲三子增武弁爵。而制置使鄭洛。以爲沙赤星倚兒將遜。皆庶支。弗可許。而况倚兒將遜。久受我百戶秩乎。廼獨進不他失禮爲龍虎將軍。要之兄弟三人。皆忠實。亡他腸。亦賢矣哉。洮河之役。酋孰無反覆心。卒之趨虜王東歸。走川底者。廼龍虎將軍。走毛卜刺者。廼明威將軍也。

讚曰

人亦孰不欲富貴。而獨於富貴之中。有私壘斷焉。三娘子旣已用貴顯。而惓惓尤爲諸子計。倘亦有市心。

乎。觀兩將軍事。嘉其忠實。不然西行之日。夫豈不知
我易王之說也。至不他失禮。與晁兎並請。則三娘子
志念又深遠矣。彼婦之口。可以出走。願扯酋母蹈覆
轍戒之哉。戒之哉。

扯力克列傳

扯力克黃台吉長子也。始辛未。我指揮同知秩與其父市新平堡。明年遂與擺腰兀慎起爭奪。父部落父以故深怒之。於是扯力克憚甚。迺告關吏願異市守口堡。御史孫綜上書大略以爲扯力克縱不能從父。獨不當從大父市得勝堡乎。然竟與擺腰兀慎得守口市矣。克爲人強而習於計。懾服群夷。控弦之士動以萬數。大父嘗心竊異之。是時識者已知異日結連東西虜。大爲邊患者。必此酋矣。居亡何。上新卽位。諸貢夷斤斤奉約束。惟謹。自是之後。扯力克比赴守。

口市亡他腸。丁丑冬，俺答西行。扯力克及把漢那吉擺腰與俱後。壬午冬，俺答死。黃台吉嗣。扯力克亦授龍虎將軍。初，黃台吉請封時，說者謂與扯力克不和。且那吉爭講板升勢，必內生變，弗可許。制置使鄭洛以書言。頃者黃台吉爲扯力克請將軍，而扯力克又爲黃台吉請王，所爲父子不和。此皆往來者妄言，不足聽。竟予封。時癸未二月也。語在黃台吉傳。其明年三月，扯力克部夷瓦失戶盜我瓦窯口邊，罰牛羊如法。其五月，與三娘子爭大成比妓。大成卽把漢那吉也。先是板升之衆及俺答所遺諸蒼頭盡屬大成。大

成兵馬雄諸部。亡何。不幸蚤物故。三娘子遂欲収其妻。以妻少子。不他失禮。果爾。則我可因而得諸部落。而我益強盛矣。而主俺答事者。酋恰台吉。頗不利於三娘子。弗欲與。廼日夜相仇殺。語在三娘子傳。會扯力克亦欲室之。聞三娘子方便使者。持羊酒禮。往大成娘子所。卽陰與恰台吉謀。謀以爲已地也。於是不他失禮。引扯布等四百餘人。往大板升迤南。恰台吉引衆馳後山。休舍黃鵝兒。我卜是日。扯力克亦微走後山。而爲酋長海大所窺。具以告三娘子。三娘子始知爲扯力克謀也。益治兵。是時恰台吉計欲捕不他。

失禮覺。趨走三娘子營。三娘子旦日卽馳後山道。俺答墳墓。而以騎兵過山。步卒悉止壁板升也。三娘子旣至。則扯力克已。於是月十一日四更時。與大成比妓合矣。三娘子忿甚。益欲相攻。殺弗休也。其明年冬。黃台吉物故。上幸賜祭葬。視俺答。而三娘子及扯力克叩謝如禮。語在黃台吉傳。是時三娘子匿王篆及兵符。欲以私其所愛子。而扯力克從中睥睨。益鞅鞅與三娘子不相能。其明年十月。扯力克始入三娘子帳中。掛弓矢合婚。於是殺胡堡備守沈陳。以其狀來聞。其十月。東虜麥力哥把兔以挾市不遂。出鈔我。

河西制置使邵光先條對欲革西行諸虜市賞因繩
扯力克以法必流虜移帳東歸然後予王封鄭洛議
以爲太羊善測人意我使者往娘子與扯酋必奉行
毋異言則是我示酋以肯綮而令之重輕損制馭之
威增驕酋之價非計也莫若俟諸酋舉嗣王之時面
與諸酋約約使使者宣諭便其明年二月光先果遣
王志寶以檄諭三娘子及扯力克大略稱引俺答迎
佛時諸酋皆奉約束毋擾邊今多羅土蠻之屬以仇
瓦刺爲名遠流甘肅託言假道遂至公行鹵略要挾
開市若不及今徵還則大漢必不與市而封爵亦且

沮壞。後雖悔之。將安及乎。於是三娘子。扯力克。亦報以書。其略曰。吾家自兵兔台吉。及圪抽台吉。克臭台吉。多羅土蠻。威靜阿拜台吉。招力兔台吉。把兒誤台吉。故住牧西海。未嘗一闌入漢關也。頃者。反言黃台吉。鹵瓦刺黃毛。幸得捷。還歸。獨遺其子。威靜阿拜。於是瓦刺黃毛。亦報之。怨以故。我反言黃台吉。深偕麥力。民圪抽。深爲孩子地來。今所過。或不免請縣道道里費。檄到。當卽調還。東還之日。幸爲我諸酋比先。王西行例。令縣道得予米麪段布也。志寶旣居虜營。五日而還。其三月。北虜禰兒都司。吉能哈等。二百八十

餘人

保結頭目禰兒都司吉能哈黑刺慎白洪大哈

失禮黃台吉黑刺慎口把都兒威威靜張禿賴台吉

打兒漢把禿兒台吉賓兔台吉反言黃台吉五路

台吉擺腰台吉兀慎台吉素圪浪青把禿兒台吉

速木耳台吉把零不兒哈台吉沙赤星台吉倚兒

將遜台吉答賴阿拜台吉恩克木台吉麥力艮台

吉哈木台吉安兔台吉實台吉段奈台吉阿不

艮台吉敖上台吉長漢阿不艮台吉多羅土蠻克

聽台吉克臭台吉補兒漢台吉威靜打兒漢儻不

浪上吉素儻不浪張四儻不浪把都阿害儻不浪

威靜把哈木儻不浪蟒勿舍儻不浪五路反威儻

不浪我包大儻不浪哀五大儻不浪青山儻不浪

遜儻不浪恰台吉合同害儻不浪毛兒儻不浪禿

舌兔儻不浪討討兒儻不浪也信儻不浪哈刺儻

不浪也辛大兒儻不浪阿乞賴儻不浪公實榜實

黃金榜實反言恰大都榜實屈兒克首領海大首

領阿阿刺物首領滿克首領鐵兔打兒漢扯布台

實土骨赤台實計龍高松計虎高承恩實留素把

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

實筆闊赤兔恰綽實克恰鐵令恰百克大恰恩克

榜實姜圪榜實班慢榜實習令恰安著兔恰把零
阿阿刺勿把兔兒蛇進擺三兒戶恰台吉谷羊打
兒漢甲同恰乞慶榜實白列蓋恰頂鐵兒恰撒兒
陋恰阿害兔蛇進鐵氣蛇進討討兒恰合恰門獨
克恰緯不害三筆寫氣可榜實大成竹刺氣班
渾大榜實五藍漢大恰黃鵝兒首領擺大恰安大
首領銀定儻不浪五納哈賴恰補兒介恰阿阿賴
物阿不戶榜實擺言竹戶恰南答素首領把禿兒
恰禿兒都司公實間兔間牙氣刺戶間牙氣阿失
兔恰麥力民把禿兒奔布三靜把禿害土麥蛇進
打兒漢燒不害把戶榜實巴拜阿班大恰上兒速
恰五喝氣打兒漢分戶首領阿戶棒蛇進阿出打
兒漢阿舍打兒漢甲馬哈擺寨上吉素答郎太襖
兒六馬渾恰他刺害蛇進禿兒害台實姑大恰補
兒害台實阿罕答立恰海牛台實答賴恰苦信蛇
進阿刺台實不花榜實板担榜實乞慶溫布三綠
囊素補綠恰五藍害利刺麻世儻不浪虎兒害恰
狗五哥着太恰姜圪恰惱太蛇進撒刺納儻不浪
虎拜襖兒六切習蓋恰一吉素恰乞令恰阿牢恰
威靜阿把太昌害恰王堂老撒儻不浪襖兒谷大

儼不浪班慢台吉哀立儼不浪刺麻失克台吉鐵
奔打兒漢託合赤恰速囊儼不浪乞探首領擺三
恰蛇鼓恰阿並以其狀請封大將軍因論西事復
吉利榜實等

得三娘子夷書略言威靜阿拜引克臭台吉西來實
爲修黃毛瓦刺之怨耳而以橐中裝空虛一旦告急
於漢太師志在索撫賞而或以馬匹請值此亦易與
也而塞上卒直必欲發乘矢遂射死我克臭台吉甚
亡辜而我襖兒都司設刺克炭黃台吉迺誘反言黃
台吉發難是以有關中之役橫禍生民今三鎮及佛
僧答賴刺麻問及我等其爲說欲我諸酋走外口道
遠而况邊外春寒無草馬騎羸弱弗可行誠願內假

關中道而以通事人及我虜酋十數人與俱。因約麥力哥東還。惟太師輕重布之。洛復進使者庭中問狀。使者反言哈所陳說亦如書指。廼弗予關內道。而虜使亦欲蒞草茂。然後行也。居有頃。麥力哥、青把都皆後先還巢。獨反言黃台吉及火落赤要我建城修寺。始去我河西境。志且決矣。其三月。上從禮尚書沈鯉議。以扯力克襲順義王。而晁兎台吉及不他失禮皆襲龍虎將軍。封三娘子爲忠順夫人。賜幣帛有差。已。扯力克率三娘子並詣得勝堡外邊請謁。制置使鄭洛臺御史鄧林橋總戎麻貴叅議使許登濤然

後申儼答故約約諸酋諸酋亦皆徼寵於皇天上
帝敬如約已齋夷使滿兀害儻不浪表文一通白馬
九匹詔賜幣帛以酬之是月上方赫然追奪始
事者如董世彥侯東萊邊吏益尊服於是光先大會
臺御史曹子登上書大略言三娘子書言克臭台吉
死而胡中殆亦未暇詳聞乎此台吉廼我僧大實友
言黃台吉義子而親克臭子也是夜我僧大方大醉
夜半乘醉竊我馬牛羊殺我千夫長姚二我伏兵四
面起發流矢遂中台吉台吉死於是火落赤焚其骸
骨而去今胡中執我實殺台吉而漢亦執虜實先殺

我亦夫長。何不可者。良以麥茵番文數至。不一言及我僧大事。烏容辯此。亦自知其彼以盜竊而死。死死固當耳。獨三娘子未知故。安在其不書及之也。至若建城之說。始自優俺答。他固未有舉之者。而况一經修寺。初則藉爲巡工。以遷延。繼則動扯茵禮佛之心。皆無一可者。計惟有調遣耳。當是時。海上有丙兔之茵。阿拜之茵。阿榜之茵。把都兒之茵。把爾谷之茵。且且之茵。瓦刺他卜囊之茵。撒溫之茵。嘉峪關外。有抄胡兒之茵。青把都兒之茵。苦賽之茵。把漢刺叭之茵。矮木素之茵。阿機大之茵。把都兒他卜囊之茵。蟒速兒

他止囊之酋古羊我爾六之酋撒戶之酋俄脫罕台
吉之酋刺叭台吉之酋把禿台吉之酋歹奔阿卜害
之酋虎動台吉之酋哈壇把都兒之酋歹牙乞之酋
青山他卜能之酋威正他卜能之酋王把都兒之酋
歹成之酋肅州則有麥力艮之酋捨刺乞炭之酋項
背相望桴鼓晝鳴而抄胡兒方以得西捷爲愉快政
欲移壁水塘於是光先發遊擊將軍王國柱備當路
塞卜失兔始馳鎮番昌寧湖外邊約毋若妻還奈而
使使者畫匠等徵部夷置鎮夷外邊矣光先見爲套
虜旣解散益欲驅歹火二酋急而三月又盡塞外草

青夷使正可往來復遣通事官王志寶師國勲戈陶
趙扯力克及三娘子徵書其四月志寶等自胡中還
順義王書大略與前者三娘子同盛稱麥力艮之還
皆我使者璘克禰兒六把兒漢首領把不盡等七人
力也今獨有友言黃台吉黑勞赤台吉在河西今業
已遣擺言各兒巴石台賴巴石黃鵝兒恰虎倫恰首
領討討奈恰虎禰兒漢首領召兒合首領俺得
賴巴石株弄害首領朝木打漢設藍漢首領等二十
餘人往虜俗以不報先仇爲耻是時扯力克與三娘
子新聚脰歡甚而俺答所遺精兵又盡歸部下竊恐

志驕意滿。勢且並頃。瓦刺矢曩者遣使。必欲假內道。則非中心奉漢約可知。此不過欲得封急。而姑以此應接我。其徂詐類如此。其六月御史孫愈賢。後先條對大都慮扯酋有父風襲封之後。必率諸部以畱瓦刺。請邊備甚具。書多不載。其明年夏罕哈大會。扯力克諸酋報瓦刺。而扯力克與三娘子皆勃勃神王矣。其十二月。扯力克果移壁多羅土蠻治兵。欲西行道。路或言由川底。或言由甘州。時兵兔台吉適物故。扯力克益恐部落失主。爲他酋所收。遂決策往。以表割屬酋長土骨赤。以六月入貢。且令其得監市場。毋

壞大事。是日遣夷使捨布等請於制置使鄭洛書詞以永舍布矮力漢儻不浪犯西寧。襖兒都司及威靜禿賴台吉犯甘肅爲愧恨以爲吾此行擇永舍布黑刺慎兩家諸酋長與俱必欲携還母徒苦河西邊將爲也兼以送番僧歸骸骨惟太師假我內道幸使使者偕往至撫賞悉請如故約幸甚洛屢以貢市成敗阻之不可因許外道而扯力克與三娘子直欲走內道洛廼譙讓使者使者告以兵兎之事急惟太師哀憐我幸許諾先是俺答西行我雲中上谷並遣使者往使者廼爲彼使令往來需索亡厭也以故洛不欲

我使偕往。與虜王約。我請數王至日。當爲八月也。先期。吾爲若客。送謀者官二人。至境上。遲而不而欺也。而爲我戒諸酋。毋扒牆窺間。毋盜竊馬牛羊。我大漢之法重。若等善自愛。毋煩我邊吏刀鋸也。有如我緣邊卒通虜。及藉虜爲姦者。我自請論如法。王所請。當爲王請。得視故事行。其明年五月。扯力克舊妻滿官正娘子。及把林安兔毛明暗段。奈把都兒。儻不浪。老落賴恰。五蘭比妓。以馬貢。其八月。扯力克與三娘子。一克黃台吉。至寧夏外邊。始俺答東還。至賀蘭山。然後走赤木口。請市馬。然一市不再市矣。我乃犒從者。

費凡九千四百有五兩。頃扯力克以先年歸路爲來路。卽擁衆至平虜打磴口。齎夷使計龍武天祥等一十五人書及馬一。詣備守使沙賜所。請假道於寧夏。莊浪吾等去巢之日久。從行台吉比妓打兒漢等至一千五百人。而撫賞散夷猶不與焉。誠囊空。請易馬至三千匹。已送致馬一騎。制置使梅友松請亦如之。屬按察使戴光啓問狀。於是大將軍下羽檄。令北備平虜。南防玉泉。西守廣武。而以備守使土文秀軍居中。以扼赤木之口。是時給諫胡汝寧上書奏邊計。計至多弗載。而光啓及總戎張維忠亦皆言虜王夫豈

不知俺答故未嘗曾假我寧夏道而又豈不知我關
吏之堅弗內也特度我漢人必畏虜騎蹂踐我內地
卽弗予我道則必予我重賂我可坐而購大利也此
爲計甚狡何不召二三夷使問之我故知計龍天祥
先皆爲石州茂才博通文藝習往事第證以伊大父
西走故道及撫賞事縱不自愛奈成法何是日擊牛
酒大犒使者而退其七月杪順義王乞慶哈傳發自
長灘至銷金水乞慶哈卽扯力克也其八月自山後
行至把力大休舍去邊二百五十餘里矣曩者俺答
道由川底去我平虜邊千餘里而遠今扯力克遠我

近邊此左右必有以誘之者。以爲已索賞地。於是臺御史姚繼可果遣備守使沙暘召計龍面折之。因許暫市馬三十匹。他悉俟還日議計。龍具以備守言告虜王。虜王曰。吾來必欲多市馬。然後濟吾事。今且行獵賀蘭山。若毋妄言也。是日虜王宿蒲草泉。去賀蘭山百五十餘里。漸近矣。已移帳黃磧口。而以一克黃台吉至亂井所掘井汲水。廼發羸馬弱卒詣鎮番。於是躬帥控弦之士待邊。日講市。市必欲比先王父法。先是俺答東還得市馬至五百八十匹。今迫虜王請使者講求五十有六匹。臺臣始計如故事。已申之以

新約約虜王指天日以爲誓。且東還之日。走川底不
得復假寧夏道。而以索賞故。擾邊。此必王手自大書。
而以王印印書。封付我關吏。爲王請市期約。如是虜
王猶未饜也。廼從蒲草泉道赤木口。休舍長湖。復使
武天祥求市中衛。願得市馬九百四十匹。已使夷使
視河南道。會中流水深。弗可渡。告罷。於是臺臣亦復
使使者讓順義王。必如夷使言。橫欲增市。則豈惟市
不可得。且請以太兵問王。王奈何。虜王於是懼而聽
命。始唯唯請罪。惟太師所約。其九月講撫賞。自初九
至十六始定。於是開廠中衛。而以副總戎。哮拜爲一

軍軍廠東遊擊石松爲一軍。軍廠西副總戎解一清及叅將趙寵備守土文秀爲一軍。軍大邊以備東西聲援。是時東虜明暗台吉猶住牧平虜迤北。廼遣備守朱綬爲一軍。軍石空寺。遊擊熊國臣爲一軍。軍棗園堡。王泉營備守。劉弘業爲一軍。軍大壩堡。而以十九日入中衛市。市馬凡五百五十匹。及鎮城馬三十果如俺答數已送我塞吏馬九匹。已求鑄佛。市馬凡五匹。我市本借清水中衛平虜備市。河套山後諸酋金費亡慮八千一百八十金有奇。已請開民市。市米穀爲道里費。不至一日市馬驢牛羊凡五百八十二

頭稅凡二十五兩四錢有奇。我僅撫賞者三費凡六百三十餘金。視曩時俺客費自大損。損千餘金。顧弗遵漢約束。甚至大言欲鈔我近郊。危我將吏。以疑懼我塞吏。我塞吏一折於平虜。再折於赤木口。三折於中衛。誰謂而土室之人疆者。而往來者直廼言曰。前哨之在甘州。猶劫掠我居民。挾犒勞。以致城門儆戒。道路不通。虜王至。又當如何哉。其二十八日。虜王出寧夏外邊。自營盤水傳發。旦日休舍松山驛。於是御史崔景榮言。虜雖聲爲報仇。然志在搶番。况鞍馬射獵。習以爲性。泉甘草美。所至爲家。有如貪西海。久不

還則東套諸酋旦莫託名。我爲視王子來。由此胡馬
結轍於道。邊吏何以待之。廼籌邊事至悉。語在邸狀。
其明年正月。扯力克至甘州。縱諸部公行黑松古浪
間。挾平西事爲奇貨。陽以泰山自視。而陰濟其貪暴。
不自知彼於我漢。漢亡當也。其二月。臨洮地震有聲。
其三月。固原地震。其四月。天鼓鳴。是月。扯力克逢郵
使。轉馬價金十萬。奪之而去。其五月。扯力克擁衆屯
河西。不出口。臺御史趙可懷以狀聞。是月。順義王
益留意松潘多茂竹。遣夷使七人渡黃河。以上居巴
遣大城灣卜窩馳八什。言欲索西番。而付以篆字圖。

書於是作兒蟬以禮遇之而去。其六月順義王携家
室馳沙果川休舍仰華寺已請火落赤計事是時扯
力克益荒淫於酒色毋厭廼簡控弦之士三千人治
皮袋從綽遜口渡河而會仰華族思落龍刺麻力阻
之弗可又調番水夫五十人皆携皮袋渡兵馬而南
大言欲南略洮岷松茂東略保安撒刺河州馬家灘
此實襲蓬台失爲之引導也而給諫張貞觀張應登
及臺御史李楨御史李本固皆後先上邊事備隴蜀
書多不載其七月扯力克在甘肅使真相火落赤卜
失兔等公行劫略大肆殺戮曩所稱送佛及仇瓦刺

平西寧。皆嫚言以欺人耳。主計者議欲絕市賞。是時
火落赤日往來扯酋帳中。已大寇我洮河。蓋志在建
寺捏工川。以內固其窟穴。而藉扯力克。聚西川。以外
樹其黨與。於是扯力克亦至小鹽池。廼先遣三騎詣
火落赤。御史崔景榮以爲扯力克主謀。良是。而給諫
薛三才亦請致書虜王。令瓦火二酋獻逆。得除罪。居
亡何。火落赤以輕騎渡河。迎扯酋。扯酋欲莽刺川。廼
爲火落赤所左。竟引扯酋之衆萬餘。並馳捏工川。以
搜諸番族。於是制置使梅友松。大會臺御史趙可懷。
急使使者李文學奉書讓虜王。虜王亦報以書。書詞

多支蔓。大不敬。其八月。制置使蕭大亨。會臺御史王基。召虜王諸酋長。聲其背德之罪。欲停市賞。而御史黃卷請兵之。居有頃。順義王使夷使齎令箭。詣關吏。吾欲略回子。不可得。去略番子。又不可得。皆悶匿。不知何所也。今吾兵馬十萬。窘困甚。幸多予我蟒段金銀。然後請罷兵。不然者。我直從臨洮鞏昌。鈔至洮州。始出邊。自是之後。火落赤。果九合。真相台吉。克臭。永邵卜。聲稱順義王。引所部紅台吉。黃台吉。白寡婦。昆都力。反成。拜言着力兔。正哈明。愛台吉。萬餘騎。馳大山口。我總巡王好武。提兵備審哈喇耳記山。虜果衝

鋒至我師生獲一啞一人奪胡馬一十二匹夷器二
駝虜廼直擣老鴉船板槐樹諸關公行劫略略至西
爾齊家岔沙麻關千戶王官慶戰中流矢死是時總
戎劉承嗣居景古城僉事郭宗賢居臨洮聞倣即日
馳河州會莫宿和政驛而遊擊孟孝臣兵亦至虜廼
搶至陟石關巴思關而以五百餘騎衝和政驛南門
承嗣帥衆發火砲斬獲首級及夷馬二匹亡何遊擊
李芳副總戎原進學兵適至皆止壁安陽山接戰破
之斬首虜八級奪獲馬牛羊一千一百九十有奇生
獲五人我兵亡八人馬一匹已承嗣兵挑戰斬首二

級。先是諸小虜多小羊。戴冠紵帽。託爲漢人。飾以劫略我村落。村落始不知其爲虜。及持刀捕人。人廼知其爲虜也。已虜復走定蕪驛。環洮河數百里。殺略益甚。我男婦死者凡三百一十人。鹵者凡四百一十九人。馬牛羊凡一萬八百有六頭。蹂躪田禾凡一百五十頃。室廬燒燬者凡一百三十二所。已虜復大圍我景古城。城中十餘日。不得水。窘困甚。虜廼微使諸零騎。黑夜渡洮河。以出。漢不意。漢惟知虜老營方接戰。頗無疑意。以故諸零虜得脫身走臨洮。臨洮守岳惟華。政乘城堅壁以自固。虜始走狄道。及臨洮。衛渭源。

縣。於是殺狄道男婦三十三人。傷三十二人。鹵二十一人。馬牛羊八百二十有五頭。蹂躪田禾三十一頃。殺臨洮男婦一十人。鹵亦如之。馬牛羊二百四十有六頭。殺渭源男婦一百二十九人。鹵七十九人。馬牛羊一萬七百四十七頭。燒燬室廬二百五十有七所。我師斬首捕虜。於景古城。不至八級。於河州營。不至六級。於臨洮府。不至十二級。奪獲馬不至八匹。承嗣於是憤胡虜爲計甚狡也。亟遣千總劉子都一軍爲前哨。孟孝忠一軍爲先鋒。躬自引李芳兵趨蜂窩寺。以逐零虜。子都獨不幸。跳驅忽下溝。爲虜所冲突。陣

亡。而軍士死者亦一十三人。我師不過奪獲馬六匹而已。諸零騎復明目張膽。從桑腦節子關而走。盡渡河。還景古城老營。於是遊擊嚴惟忠。上天兆。引兵備郭麻灘。而承嗣及叅將鄧鳳。皆壁墩臺山。會天大風雨。以六日不息也。我師止壁山上。苦爲風雨所飄搖。火器鏽澁。弓矢膠弛。虜方散居民室。得火食。醉飽而喜。揚揚甚自得也。居有頃。雨止。我師移壁朱家山。鳳廼引兵爲首營。孝臣爲二營。承嗣爲三營。營各二千餘人。去虜可半里。虜廼詳使使者。馳鳳營請和。鳳卽引虜使。偕孝臣有光。詣承嗣營曰。此故火落赤使也。

請歸我人口。嗣喜遂携虜使前。虜使果前。諸虜忽披甲兵上馬。衝鋒而來。我師殊疾力戰。斬首二級。虜於是復下馬步衝。衝入遊擊李芳營。芳年七十餘。猶急奔以示矍鑠。奔未至數步。墜馬死。而承嗣盛甲亦中四矢。適有天幸得免。而裨將裴勲、李光顯用火砲從中起擊虜。虜始走。適一死虜仆地。我師取其首級以告。它於郭麻灘斬首五級。餘虜悉乘勝出麻灘口。當是時。道路或言虜欲從洮州出。或言虜欲奪河州茶物。而以死攻城。或言虜畏諸關高厚而欲從故道竄哈刺耳記山出境。漢兵於是四面走。頃之。御史崔景

榮按陣亡諸兵將。遊擊死者。則李芳。千總則劉子都。賀守義。何天衢。李國瑞。李如玉。魏承勲。王官。及兵士。凡二百四十六人。重輕傷者。凡三百二十有七人。馬。凡九百二十四匹。盛甲凡一百九十有奇。始虜騎衝我大山口。雖崎嶇。然實洮河界。廼走洮岷便道也。賴裨將敏祿戰疾力。而遊擊嚴惟忠。卜天兆。又南守重。臺山。土官楊受。楊臻。楊奎名。及土舍咎四列。咂族。族長並引兵三千餘人。伏郭麻灘。安籠。以故虜得不入大山口。至是部使者。列其功罪以請。事下戎部。於是兵尚書王一鶚。請罷扯力克市賞。必有如擒斬火落。

赤來獻。然後得議。復先是杜力克以書致賓兔妻大娘子。已又與卜失兔約。約皆欲母與漢講好。語在卜失兔傳。以故廷議議獨薄責順義王。上於是詔曰。杜力克襲授封號。款貢多年。却於西鎮生事。黨助凶逆。侵掠邊境。顯是背恩犯順。着該停革市賞。是月罷制置使梅友松。特欲遣大臣經略宣大山陝七鎮。已從吏尚書言。屬鄭洛兼制之。是後給諫張希阜。侯先春。亦上邊計至悉。語在邸狀。其九月。給諫張棟。御史周孔教。迺劾奏其事。大都言洮岷之間。爲虜所鹵殺者衆也。臺御史李廷儀。於是深辯其事。書多皆不載。

是月。扯力克遣插兒蟒虜達鈔我阿壩寨。遣二百餘人馳殺路塘趁鹿躑路。而西番急使三人騎馬走鳳凰。召還圓壩。藩哂商巴石。紫諸土達。然臨河去松潘草茂道平。蓋輕騎可八日至也。松潘自嘉靖十一年北虜入寇以來。幸無虜患。於是蜀臺御史李尚思請備虜。頃給諫張應登。御史牛應元亦以書至。事皆下戎部。大都以蜀登臆臘之山。而莽捏在望。虜聚莽捏之地。而蜀番震驚。勢不得不備。松潘急也。其十月。扯力克還海上。與三娘子並致書制置使鄭洛所。益凜凜於上。威武兼以洛奉新命。提大兵至塞以

亟故欲東歸以緩須臾毋誅洛廼具以實奏。上詔之曰。朝廷旣假卿便宜。一切制虜方略務要隨機措置以保萬全。而給諫徐桓書則主於戰書略言東還未可盡信。以曩時邊吏所上出邊不過引其衆渡河已耳。今經略悉以屬洛。洛昔爲扯酋請封。今肯革其封而討之乎。昔爲扯酋假道。今肯追其往而逐之乎。命下之日。廷議竊必其主撫也。臣以爲虜誠一日斬二酋頭傳塞下。請死罪卽撫之。何不可者。顧恐如西寧故事。陽責其叛盟而陰厚其撫賞。而徒執一二小醜飾降表以愚我。此臣之所大懼也。臣之愚計。

獨以爲莫若革其封。離其黨。孤其勢。而益其敵。何也。
三娘子方使使者趨扯酋東歸。扯酋不從。心頗鞅鞅。
怨望。我邊吏能從中陰歛之。亟使使者立其愛子。不
他失禮。而諸部諸酋長。一日悉分封。如漢立五單于
故事。且使自相仇併。我可得高拱而視孰成敗。以收
漁人之利。此一策也。臣聞虜每一入。必先傳箭約期。
今誠募敢死士。入虜營。密爲偵探。先期收保。不得恣
爲鹵略。俟虜圍自解。我然後出精銳之師。邀其情歸。
而擊之。此又一策也。書奏下戎部。先是俺答來也。由
涼州之寧遠永昌而西。及其還歸。則由莊浪之鎮羌。

而東。今扯酋則燒黃羊川邊柞一克黃台吉。則折泗水堡水洞。擁衆而入。非復在寧夏時。聲言走鎮羌道。故約也。御史崔景榮請欲虜從川底以還。而鄭洛亦嚴爲令。令虜毋得假內道。當是時。莊浪則備鎮羌堡。黑松則備鐵櫃兒。涼州則備泗水堡。永昌則備水泉及寧遠。甘州則備石硤口。此數道。曩套虜得假之以。僥倖而來。懼我伏兵起。不得久居中已。俺答復假之。於是往來諸虜酋。稱引以爲例。而不知彼皆奉我關吏約束。卽搶掠。未必無。然有則輒罰。罰卽輒止。豈必如今日之甚者。於是諸關吏益堅閉以自固。其十一

月火落赤恐扯酋果東歸勢孤廼數入帳中百計留
扯酋聲欲復犯洮河因寇松茂以堅扯酋毋東還頃
之卜失兔亦懼而請死罪其十一月副總戎原進學
遣撒刺族番官韓恩及其孫韓亦速微出塞訶虜行
至烏常溝逢虜擊破之扯力克之部死者董刺上巴
恰泥巴失牙什愷牙囊必台失土巴恰凡五人他皆
火落赤子壻語在火落赤傳其十二月宰僧馳他家
溝追亡虜遊擊原進學誤以爲扯力克永邵卜馳擺
羊戎吉囊馳杏兒腦爲欲復鈔我河州而來也洛以
書劾奏之其明年正月扯力克悔爲火落赤所誑廼

殺曩時引導者。遂遣夷使武天祥等。送致我河州。諸
備虜者。馬崇安。滿業等。凡三百餘人。馬九一百四十
六匹。盛甲及衣物。亦各如數。曰。此故火落赤所鹵者。
惟太師幸才察。要亦惑於我欲易王之說也。給諫張
應登書。以爲宜防其狡詐。是月。扯力克。令大成。妣吉。
先出口。又三月。扯力克。及三娘子。不他。失禮。把漢妣
吉等。請漢官護行。洛廼給以白旗。期初九日。雞鳴而
駕。而以念日。從扁都出邊。於是漢亦遣通官韓大友。
張安等。與俱。已。扯力克。復遣葛賴首領等十餘人。持
番文。請從肅州外邊。道川底而歸。顧許我得市馬千

餘匹以爲治裝費。幸甚而不他失禮。上失兔書亦如之。是時分守使張思忠分巡使朱正色贊畫使萬世德驗問使者實以馬牛羊羸弱畏甚且恐內關關吏不容緩行。願優游塞外。俟草長馬肥得還故巢便。洛廼許諾。虜酋故多疑且詐。始請鎮羌。我固已許之矣。而又以道狹請扁都。我又許之。洛唯唯恐後。然虜王誠畏我議。其後逗遛弗前。而况虜王始來時。自鐵櫃山假道走黃草灘。低徊者半載。廼至扁都。於是居民之受禍者。十家而七。以故洛忻然從虜請。其爲遠謀如此。自是之後。御史張應揚上書。大都慮虜王東歸。

必有以復市賞諱者。臣愚以爲絀不能得火直來獻亦必獻我計。龍武天祥如俺答獻趙全李自馨故事我廼因而開關以予市然後可。事下兵尚書石星議以爲先世之約迎佛假道搶番啓釁皆有明禁。今李聯芳之死豈非計龍武天祥爲禍首與。有如二逆不擒終閉關謝絕幸勿予。此爲上策。非然則寬其能悔罪弗佐逆黨且新從海上來姑與開市如故約約市額新增者皆一切報罷因著爲令。令永無請增此爲中策。至若執彼小醜以塞邊吏之請及橫肆虎狼而故干我邊吏陽爲安邊而實以媚虜此爲下策。然此

則非臣所敢與知也。惟陛下才察。其四月。御史李本固言。虜王殊無意東歸。今非託以馬瘦。則言道險。此皆故以此緩我師。俟秋高馬肥。尚爲我塞上患苦也。於是葉夢熊劾奏洛。不當用王志寶計。龍策數與虜約。臣以爲宜主戰。大略欲斬虜王首。與給諫王德完同。語在奏疏。是月。扯力克約諸部由東還。而會火落赤留之。堅以爲王縱不爲我少留。獨不能遣我諸部落乎。而扯力克終不能忘情於市賞。況切盡妣吉。則又約虜王還套。虜王勢且不能不還矣。於是許留諸部落。以佐火酋。遂決策東歸。臺御史葉夢熊以書

聞然扯力克亦既已移狼灣

卽野牛河

矣。狼灣故甘肅絕

塞。廼走川底道也。去仰華寺可五百餘里。是時狼灣

猶地寒。草極遲。虜馬半倒死。殊自窘困。虜王意欲假

請鎮羌。自知背初約。畏弗敢言。廼使三娘子告急於

制置使鄭洛弗許。其五月。襖兒都司吉囊至扯力克

帳中。欲及草青以圖瓦剌。不然者。吾等且引衆以還。

扯力克竟以大札故馬死。益恐爲人所殺。廼與諸

酋誓。自謂吾復不捨瓦剌也。惟歸故套便。按歸道走

川底者。過肅州鎮夷堡。其間三十里無邊垣。我邊吏

備邊難。獨爲嘉峪關。關外道可無問。走扁都口者。則

過甘州行內地三百餘里甚爲我耕牧害走鎮羌者
此固經內道然界在莊浪邊隘不至一里許虜旋至
卽出蒲口幸亡恙顧沙磧我內地鮮耕牧易爲備而
虜則苦山險且冰滑始廼詳使虜使請此道已變而
請扁都口又變而請川底此皆爲計甚狡而實則扁
都口也扁都地寬平虜逐牧便獄故洛堅意不許虜
走扁都也其六月御史王有功上書略言西海之虜
自宣大延寧來而甘洮之害亦自宣大延寧貽也今
當借力於延寧借財於宣大今一歲所停市本不下
二十萬敢請以佐甘肅於是兵尙書石星覆其奏

上從之。詔曰：「扯酋西牧，致逆虜擾邊。朝廷念其罪惡，未著姑停市賞。責令回巢，如何展轉遷延？久戀西塞，顯是變詐，難以姑息。着經略宣諭本酋，勒限驅逐。如過期不遵，便絕貢革封。」行令大同、山西各將吏出搗勦，不許再行支調。於是雲中臺御史邢玠推擇宣大山西勇敢士，以佐戰陳。而洛亦使使者趨虜酋，以六月之八日大出邊。虜帳傳以漢太師幸許我過鎮，羌皆爲感德。語軟，血出誓言。大略爲：「吾等不久必拔帳而東。」顧紅帽兒失馬，凡六百匹。而扯力克方且追搜馬駝出。今卽不得奉漢太師約，王至當卽旋。豈敢背

大德幸爲我寬假其期其七月切盡妣吉部撒戶首
領及白馬台吉歹成沙計台吉過鎮羌邊而阿赤鬼
卜失兔宰僧我爾着亦休舍西古城皆言吾侯扯公
至出邊它亡意疆吏勿深疑也先是俺答東歸縣道
傳次與市賞及筵宴以勞之以答故未嘗犯我邊吏
旂鼓也洛惟恐扯力克不念彼洮河之後有死罪而
槩請以爲比亟下令令延寧諸邊禁勿予其八月罕
木台吉從寧遠堡出邊已大成比妓及僧長麟兀舍
倘不浪也辛倘不浪沙赤星等從永昌小泉兒毛卜
刺出邊已順義王三娘子不他失禮明艾台吉根兔

台吉黃大台吉脫賴榜什折兒漢等驅馬牛從塔兒灣姚家寨走壓腰山復分爲兩道一道走紅山嘴一道走月牙湖水泉兒並至毛卜刺其九月扯力克引衆從鎮羌驛出口於是邢玠以其狀請始上從制置使魏學曾議詔陝西四鎮修守事務不必會議而又言北虜款貢多年順逆不等未可一槩盡絕以故玠復以書請命臣洛赴宣大議虜款也是時給諫李汝華以巡邊至上疏言邊情大都見順義王居黃草灘凡八月炒把居大黃山則以歲計追其所由來始不過請市牛羊而已後至馬市至撫賞扁都莊

浪之所山。丹其峻之間。歲費鉅萬。而夷使季龍武天
祥輩甚且乘傳而馳止舍郵亭。此皆有傷國體。而况
虜王雖歸。遺孽猶存。誠不可不爲之圖也。已又上疏
劾邊吏以鱗段賄賓兔妻。且言順義王出塞時。我堡
皆予虜酒食及駝牛羶鍋。虜廼殺我永昌軍沈剛等
十一人。略我居民十千等三人。鎮番軍文貴等四人
諸不法狀。事下大司馬。其九月制置使魏學曾尤恐
扯酋姑以老小諸牛畜東歸。而陰或引精兵從川底
走嘉峪關而西。大會火酋。或犯我甘肅。皆不可知。於
是渡河。移靖虜蘭州。而給諫張棟亦上書言官洛烏

藏諸番兵以萬數。故楊咎二族所服屬。我廼築堡以居之。而又月廩食金五錢。今皆不足以備緩急。乃劾奏洛及閼視司丞周弘禴。都御史梁問孟。鍾化民。上有詔。調鍾化民居有頃。吉囊移帳孤頭背里馬圈。而以水泉兒失牛羊故。益歸怨於閼吏。廼欲寇鈔我鎮。舍武勝莊浪紅城子。於是賓兔妻微遣使者以生其十月。光祿卿曾乾亨以巡邊至雲中。聞扯力克調兀慎土骨赤扯布廼上書。欲寓戰於撫已。又言扯恰兩酋爭板升事。板升之衆以萬數。皆我漢人。不幸而爲俺答所鹵。後懷怨怒。爭欲內附。而以馬市方堅。邊

吏閉關謝絕之。殊爲失策。今至生聚十萬。皆成精兵。而又旁近我內地。此甚爲雲中剥膚之災。今幸以天札死亡過半。而又與諸虜爲隙。計莫若乘是時誘板升來歸。上可之。其明年春。扯力克旣東歸。欲請復市。賞愧亡從也。而會我邊吏索史二官兒急。語在史二傳。計廼獻逆會史二官兒。及其會長我列。叩關請獻俘。曰。願以此贖死罪。敢請。庚寅辛卯市。於是制置使蕭大亨以聞。給諫吳之望。又上書。以爲市必不可。復亡何。兵尚書石星竟如制置使議。以請。上有詔。詔復順義王市。賞如故。轉遷不他失禮。爲都督僉事。

那木兒台吉爲龍虎將軍。皆賜金幣有差。語在史車傳。其夏。噶拜發難。而松套諸虜皆助逆。上有詔。詔順義王。若能如收擒史虜故事。約束套虜出邊。不使爲逆。豈但爲開貢市。宜厚加恩賞。居亡何。噶拜益謀爲不軌。而以大位誘順義王。順義王堅守漢約束。弗欲往。獨寧夏諸虜往。時御史蔣春芳得請於上。我塞上不惜五萬金。及龍虎將軍秩曰。第惟我傳賊首來。亟予之。順義王方戴復市德甚厚。諸部佐噶拜。王實未之知也。扯力克妻三。一滿官正娘子。一大成比妓。一也兒克兔哈屯。生一子。晁兔台吉。

讚曰

批會世受我王爵豈可不謂厚幸乎何至假道迎佛
遂佐火會大鈔我洮河之間此胡爲者假令我執叛
盟之罪復立其不他失禮批會殆哉狐狸之而狐相
之是無成功洮河之後幾敗市事凜凜也願王善保
封爵哉